

Okunnyonnyola

Emirembe Omusanvu Egy'

Ekkanisa

Essuula Eyoomwenda

Omulembe Gw'ekkanisa Ya Lawodikiya

Okubikkulirwa 3:14-22

"Era eri malayika ow'ekkanisa ey'omu Lawodikiya wandiika nti:

Bw'Ati Bw'Ayogera Oyo Amiina omujulirwa era ow'amazima, Olubereberye Iw'okutonda kwa Katonda.

Nti Mmanyi ebikolwa byo, nga tonnyogoga so tobuguma.

Bwe kityo kubanga olina ekibuguumirize so tonnyogoga so tobuguma, Ndikusesema mu kamwa Kange.

Kubanga ng'oyogera nti Ndi mugagga, era ngaggawadde, so ssiriiko kye nneetaaga, so tomanyi ng'oli munaku ggwe era asaasirwa era omwavu era omuzibe w'amaaso era ali obwerefere:

Nkuweerera amagezi okugula gye Ndi ezzaabu eyalongoosebwa mu muliro, olyoke ogaggawale, n'engoye enjeru, olyoke oyambale, era ensonyi z'obwerefere bwo zireme okulabika; n'eddagala ery'okusiiga ku maaso go, olyoke olabe.

Nze bona be Njagala Mbanenya, era Mbabuulirira: kale nyikira weenenye.

Laba, Nnyimiridde ku luggi Nneeyanjula: omuntu yenna bw'awulira eddoboobi Lyange, n'aggulawo oluggi, Nnaayingira gy'ali, era Nnaaliira wamu naye, naye Nange.

Awangula Ndimuwa okutuula awamu Nange ku ntebe Yange ey'obwakabaka, era nga Nange bwe Nnawangula, ne Ntuula wamu ne Kitange ku ntebe Ye ey'obwakabaka.

Alina okutu awulire Omwoyo ky'Agamba ekkanisa."

Ekibuga Kya Lawodikiya

Erinnya, Lawodikiya, ekitegeeza, "eddembe ly'abantu" lyali likyase nnyo era nga liweereddwa ebibuga ebiwerako ng'ekyo kikolebwa okuteeka ekitiibwa mu bakyala abambejja nga bituumibwa (ebibuga) amannya gaabwe. Ekibuga kino kye kimu ku bibuga ebyali bisingira ddala okuba ebikulu mu nsonga z'ebi'obufuzi era ebigagga mu Asia Minor. Ebintu bingi abatuuze abatutumufu mu kibuga kino bye baakiraamira. Kye kyali ekitebe ky'essomero ettutumufu ery'ebi'eddagala. Abatuuze baamu baali baatiikirivu nnyo mu by'amagezi n'ebiekikugu. Emirundi mingi baakiytanga 'ekibuga ekikulu' nga bwe kyali ekitebe eky'essaza omwali ebibuga ebirala abiri mu bitaano. Katonda ow'ekikaafiiri eyasinzbwanga mu kibuga omwo yayitbwanga Zewu. Ddala ekibuga kino kyali kyatumibwako Diopolis (ekibuga kya Zewu) mu ngeri ey'okussaamu katonda waabwe ekitiibwa. Mu kyasa ekyokuna olukiiko olukulu ennyo olw'ekkanisa Iwakituulamu. Musisi owa buli lukya oluvannyuma yakiviirako okusigala amatongo.

Ng'embeera z'omulembe ogusembayo ziraga bulungi nnyo omulembe guno mwe tuli. Eky'okulabirako, baasinzanga katonda omu, Zewu omukulu era kitaawe wa bakatonda. Ekyo kyalanga ennyanjula y'ekinnaddiini ey'ekyasa kino ekya amakumi abiri ku "Katonda omu, kitaawe-wa-ffenna" eyo ereetawo oluganda olw'abantu, era ne kaakati nga luleeta awamu Abapulotesitante, Abakatoliki, Abayudaaya, Abahindu n'abalala ng'ekigendererwa kiri nti okusinza okw'awamu kwe kujja okwongera okwagala kwaffe, okutegeera, era n'okufaayo buli muntu ku munne. Kati Abakatoliki wamu n'Apulotesitante bafuba okulaba nga bafunirawo ddala engeri mu kwegatta kuno nga balina ekigendererwa n'obumalirivu nti n'abalala bajja kugoberera. Endowooza eno yennyini yalabibwa mu lukiiko Iw'Ekibiina ky'Amawanga Amagatte (United Nations Organisation) abakulembeze b'ensi bwe baagaana okutongoza endowooza emu obumu ku by'ensinza ey'omwoyo naye ne basemba okuggyawo endowooza zonna enjawufu nga basuubira nti enzikiriza zonna zifuukemu emu, kubanga bona balina ebigendererwa bye

bimu, bona balina ebiruubirirwa bye bimu era bona bayimiridde ku kituufu.

Wekkaanye, erinnya Lawodikiya, "eddembe ly'abantu," oba, "obwenkanya bw'abantu." Waali wabaddewo omulembe okufaanakanako ng'omulembe gw'ekkanisa y'ekyasa ky'amakumi abiri ogwali gulabye amawanga GONNA nga gasituka nga gakaayanira omwenkanonkano, mu mbeera z'abantu ne mu by'ensimbi? Guno gwe mulembe gwa bannaakalyako-ani abantu bona mwe batwalibwa ng'abali ku ddaala erimu, newankubadde nga kino kiri mu bigambo bugambo. Guno gwe mulembe gw'ebibiina by'obufuziabeeita Abakulisitaayo Abeetwala bokka (Christian Democrats), Abakulisitaayo Ab'omwenkanonkano (Christian socialists), Abakulisitaayo Ab'oluse olumu (Christian Commonwealth Federation) n'ebirala. Okusinziira ku bantu baffe abasomerera eby'eddini abagonzaamu Yesu Yali wa nnaakalyako-ani era ekkanisa eyasooka ng'ekulemberwa Omwoyo yakoleranga ku bwa nnaakalyako-ani, era bwe tutyo kitugwanidde okukola ekyo leero.

Ab'edda Lawodikiya bwe baakiyita ekibuga ekikulu, kyali kirindiridde obufuzi obw'ensi yonna awamu, kati bwe tuzimba. Nga bwe tulowooza ku kibuga ekyo okuba ekifo ky'olukiiko Iw'ekkanisa olukulu tulaba ekisiikirize ky'enkola y'ekibiina ekigatta amadiini nga kigenda mu maaso leero, amangu ddala mwe tunaalabira abo bona "abayitibwa mbu" Bakulisitaayo nga beegatta. Ddala ekkanisa n'eggwanga, eddiini n'ebi'obufuzi byegatta. Enngaano ey'omu nsiko esibibwa. Mangu ddala enngaano ennungi enaaba etegekeddwa okuteekebwa mu ggwanika.

Kyali kibuga ekyayuuguumizibwanga musisi, era musisi oyo ku nkomerero ye yakizikiriza. Omulembe guno gugenda kukomekkerezebwa nga Katonda Ayuuguumya ensi yonna ewabye n'ekwana omwenzi ow'edda. Enkola z'ensi zokka si ze zirimulunguka naye n'ensi yennyini erinyeenyeezebwa olwo n'erongoosebwa olw'obufuzi bwa Kristo obw'emyaka olukumi.

Ekibuga kyali kigagga, olw'abagagga abaakigabiriranga. Kyali kijjudde eby'obugunjufu. Ssaayansi yakyaka. Nga kifaanana ne leero. Amakanisa magagga. Okusinza kulungi era kwa mikolo, wabula kunnyogovu era kufu. Eby'obugunjufu n'ebi'enjigiriza bizze mu kifo ky'Ekgambo Omwoyo ky'Awa, era okukkiriza kuteekeddwa wansi wa ssaayansi, kale omuntu n'afugibwa ebintu eby'ensi.

Mu buli kyogerwa Lawodikiya eky'edda kisangibwa nga kizaaliddwa bupya mu mulembe gwa Lawodikiya ogw'ekyasa eky'abiri. Mu kusaasira kwa Katonda, bangi abo abalina okutu okuwulira bakivaamu baleme okugabana ku bibi byakyo n'omusango ogujja.

Omulembe Gwa Lawodikiya

Omulembe gwa Lawodikiya gwtandika awo nga ku ntandikwa y'akyasa ky'abiri, obo oli awo mu 1906. Guliggwaako ddi? Ng'omuweereza wa Katonda afunye nnamungi w'okwolesebwa, nga ku kwolesebwa okwo kwonna TEWALI kwali kulemereddwa, leka nteebereze (sigambye kulagula, wabula kuteebereza) nti omulembe guno guliggwaako awo nga mu 1977. Oba munannganya nkozese akagambo akange ku bwange, okutebeereza kuno nkwasigamya ku kwolesebwa okukulu okw'emirundi omusanvu egiddirinngana okwajja gye ndi ku makya ga Sande emu mu June, 1933. Mukama Yesu Yayogera gye ndi n'Agamba nti okujja kwa Mukama kwali kusembira, naye nti nga Tannajja, ebintu ebikulu musanvu byali bya kubeerawo. Byonna nnabiwandiika era ku makya ago ne nfulumya okubikkulirwa kwa Mukama. Okwolesebwa okwasooka kwali nti Mussoolini alirumba Ethiopia nti era eggwanga eryo "lirigwa wansi w'ebigere bye." Okwolesebwa okwo ddala kulina bye kwanviiram, era abamu baasunguwala nnyo bwe nnakyogera era tebaakkirkiriza. Naye kyatuukirira bwe kityo. Yayingira buyingizi n'ebi'okulwanyisa bye eby'omulembe n'awamba. Abannansi tebaalina mukisa. Naye era okwolesebwa kwagamba mi Mussoolini enkomerero ye eriba mbi ng'abantu be bennyini be balimukyukira. Ekyo kyatuukirira mu ngeri yennyini nga bwe kyayogerwa.

Okwolesebwa okwaddirira kwalagula nti Adolph Hitler ow'eggwanga lya Austria alisituka nga nnakyemalira ku Germany, nti era aliyingiza ensi mu lutalo. Kwalaga olugo olwayitibwanga Siegfried line n'engeri amagye gaffe gye galikaluubirirwa okuluwangula. Olwo ne kulaga nti Hitler alituuka ku nkomerero etalimanyika.

Okwolesebwa okwokusatu kwali mu bintu bya bufuzi bwa nsi kubanga kwandaga nti walibaawo enkola ez'ekitalo ssatu ezisembayao ennukuta zino ISMS, Facism, (obwannaakyemalira), Nazism (enfuga ya Hitler), Communism (Nnaakalyako-ani), nti naye ebibiri ebisooka bigenda kumiribwa eyookusatu. Eddoboozi lyalabula, "TUNUULIRA

RUSSIA, TUNUULIRA RUSSIA. Eriiso lyo tolitta ku kabaka ow'omu Mambuka."

Okwolesebwa okwokuna kwalaga okututumuka mu ssaayansi okw'okujja oluvannyuma lwa ssematalo owookubiri. Kyakulemberwa okwolesebwa kw'emmota ya "pulasitiika" waggulu efaanana ng'ekyovu eyali etambulira mu nguudo ennene ennungi ng'evugibwa kusinziira wala (remote control) abantu ne balabika nga batudde mu mmotoka eno omutaali "siteeringi" era baalina omuzannyo gwe baali bazannya okwesanyusa.

Okwolesebwa okwokutaano kwali kukwata ku mpisa z'omulembe gwaffe, okusinga nga kuli ku bakazi. Katonda Yandaga nti abakazi baatandika okuleka ekifo kyabwe bwe bakkirizibwa okukuba akalulu. Olwo ne basalako enviiri zaabwe, amakulu nti tebakyafugibwa basajja naye ne bakaayanira eddembe lyabwe ery'omwenkanonkano, oba emirundi egisinga obungi, okubeera n'enkizo. Yatandika okwambala eby'ekisajja n'atuukira ddala okuba obukunya, okutuusa ekifaananyi ekisembayo kye nnalaba omukazi yali bwereere okuggyako akagoye akaafaanana akakoola k'omuti omutiini. Awamu n'okwolesebwa kuno nnalaba okuwaba okw'ekika ekya waggulu n'okwonooneka kw'empisa mu nsi yonna.

Olwo mu kwolesebwa okwomukaaga mu America neeyimukayo omukazi asingayo obulungi, wabula nga mukambwe. Abantu yabafugira ddala mu buyinza bwe. Nnakkiriza nti kuno kwe kusituka kw'Eklezia y'e Rooma Enkatolika, wadde nnamanya nti kyandiba okwolesebwa kw'omukazi ng'asituka n'obuyinza obw'ekitalo mu America olw'obululu obungi nga bumuweebwa abakazi.

Okwolesebwa okusembayo era okwomusanvu mwe nnawulirira okubwatuka okusingayo okuba okw'entiisa. Bwe nnali nkyuka okutunula nnalaba bumulumulu, mpompogoma na mukka nga bye bijjudde eggwanga lyonna erya America.

Okusinzira ku kwolesebwa kuno okw'emirundi omusanvu, awamu n'enkyukakyuka ez'okumukumu eziyise mu nsi yonna mu myaka ataano egiyise, NTEEBEREZA (siragula) nti okwolesebwa kuno kwonna omwaka ogwa 1977 guliba tegunnaggwaako kuliba kutuukiridde. Era wadde bangi bayinza okulowooza nti ekigambo kino si kya buvunaanyizibwa olw'okuba nti Yesu Yagamba "tewali muntu amanyi lunaku wadde essaawa," nsigala sijjulula kuteebereza kuno oluvannyuma lw'emyaka asatu kubanga, Yesu Teyagamba nti TEWALI muntu alimanya mwaka wiiki oba mwezi okujja Kwe we kulituukiririra. Kale nkiddamu, nzikiririza ddala era nkakasa ng'omuyizi ku bwange ow'Ekgambo, wamu n'okulunngamizibwa Okutukuvu nti omwaka 1977 guteekwa okukomekkereza enkola z'ensi guyingize obufuzi obw'emyaka olukumi.

Kati kino ka nkyogere. Waliwo ayinza okulaga okumu ku kwolesebwa okwo nga kukyamu? Byonna tebyatuukirira? Weewaawo, buli kimu kituukiridde, oba kigenda mu maaso kaakano. Mussoolini yalumba Ethiopia n'atalemwa, oluvannyuma n'agwa byonna n'abifiirwa. Hitler yatandika olutalo lw'ataasobola kukomekkereza era n'afa mu ngeri etaamanyika. Obwa Nnakalyako-ani bwawamba enkola ziri ebbiri eza ISMS. Emmotoka ey'ekyovu eya pulasitiika ekoleddwa era erinda bulinzi nguudo enkole obulungi. Abakazi kumpi bona bayita bukunya, era kati bambala engoye ez'omu biyigo eziraga ebibegabega n'ebifuba Era jjuuzi nnalaba mu katabo olugoye lwennyini lwu nnalaba mu kwolesebwa (oba oluyita lugoye). Lwali lugoye lwa pulasitiika olutangaala nga lulina ebibomboola ebikwafu mu bitundu ebibikka amabeere akatundu akatono, ate wabaayo akatundu akakwafu nga kalinga akakete wansi. Ekklesia Enkatolika eyimuka. Tubaddeko ne pulezidenti Omukatoliki era tewali kubuuusabuusa tulifunayo omulala.

Kiki ekisigaddeyo? Tewali okuggyako Abaebbulaniya. 12:26, "Eyakankanya ensi n'eddoboози Lye mu биро бирі: нае каакано Yasuubiza ng'Ayogera nti Ekyasigadde омүлүнди гуму Ndinyeenya, si nsi yokka нае era n'eggulu." Lumu nate Katonda Alinyeenya ensi era wamu nayo Alinyeenya buli kintu ekisoboka okunyeenyezebwa ne kisagal. Olwo ate Aligirongoosa. Okufaanana ntu ng'omwezi gwa Maaci, ogwayita, 1965, ku lwokutaano olwo olutukuvu musisi eyayita mu Alaska yakankanya ensi yonna newankubadde teyagisuula lubege. Naye Katonda okuyita mu musisi Yali Alabula kiki amangu ky'Anaakolera ku kigera ekya waggulu. Agenda kwabya era Ayaseeyase ensi eno enkolimire ey'ekibi, muganda wange, mwanniyinaze waliwo ekifo kimu kyokka ekisobola okugumira ekyekango ekyo, era ekyo kiri mu kisibo kya Mukama waffe Yesu. Era nnandikwegayiridde ng'okusaasira kwa Katonda kukyali mu maaso go, nti waayo obulamu bwo bwonna obutesigalaawo eri Yesu Kristo, ng'Oyo Omusumba omwesigwa Ajja kukulokola Akulabirire era Akuweeyo mu kitiiibwa n'essanyu ejjitirivu nga toliiko kamogo.

Omubaka

Mbuusabuusiza ddala oba ng'omulembe gwonna mazima gwamanya omubaka Katonda gwe Yagutumira okuggyako mu mulembe ogwasooka Pawulo mwe yabeerera omubaka. Wadde era ne mu mulembe ogwo bangi tebaamutegeera kye yali.

Kati omulembe gwe tulimu gugenda kuba mumpi ddala. Ebantu bigenda kubererawo kumukumu. N'olw'ekyo omubaka eri Omulembe gwa Lawodikiya guno alina okuba nga waali wano, newankubadde mpozzi tetunnamumanya. Naye mazima wajja kubaawo ekiseera amanyibwe. Kati ekyo nsobola okukikakasa kubanga tulina Ebyawandiikibwa ebinnyonnyola obuveereza bwe.

Okusookera ddala, omubaka agenda kuba nnabbi. Agenda kuba n'obuveereza obw'obunnabbi. Bugenda kuba nga bwezigamiziddwa ku Kigambo mu bujjuvu kubanga bw'awa obunnabbi oba ng'alina okwolesebwa, emirundi gyonna bigenda kuba nga "binywezeddwu Kigambo" era EMIRUNDI GYONNA bigenda kutuukirira. Agenda kukakasibwa nga nnabbi olw'engeri y'obutuuufu bwe.

Obukakafu nti ye nnabbi busangibwa mu Okubikkulirwa 10:7,

"Naye mu nnaku z'eddoboozi lya malayika owoomusanvu bw'aliba ng'agenda okufuuwa, ekyama kya Katonda ne kiryoka kituukirira, ng'enjiri bw'eri gye Yabuulira abaddu Be bannabbi."

Kati omuntu ono, mu lunyiriri luno ayitibwa 'malayika' mu Bayibuli ey'enzivuunula ya King James si kitonde kyamu ggulu. Malayika omufuuyi w'ekkondeere ery'omukaaga, oyo ekitonde eky'omu ggulu, ali mu Okubikkulirwa 9:13, n'woomusanvu ow'engeri (enkola) y'emu ali mu Okubikkulirwa 11:15. Ono wano mu Okubikkulirwa 10:7 ye mubaka ow'omulembe ogwomusanvu era ye muntu, era alina okuleeta obubaka okuva eri Katonda, era obubaka bwe n'obuveereza bigenda kumaliriza ekyama kya Katonda nga bwe Yalangirira eri abaweereza Be bannabbi. Katonda Agenda kubala omubaka We ono asembayo nga nnabbi KUBANGA NNABBI. Ekyo Pawulo kye yali mu mulembe ogwasooka, n'omulembe ogusembayo nagwo, gulinayo omu.

Amosi 3:6-7,

"Bafuuyira ekkomleere mu kibuga, abantu ne batatya? Obubi bugwa mu kibuga Mukama nga Tabuleese?"

Mazima Mukama Katonda Taliiko ky'Alikola wabula ng'Abikkulidde abaddu Be bannabbi ekyama Kye."

Kyali mu bbanga ery'ekiseera ekivannyuma ebibwatuka omusanvu ebyo Yesu we byaggyira.

Okubikulirwa 10:3-4,

"N'ayogerera waggulu n'eddoboozi ddene ng'empologoma bw'ewuluguma: bwe yayogerera waggulu ebibwatuka omusanvu ne byogera amaloboozi gaabyo.

Ebibwatuka omusanvu bwe byayogera amaloboozi gaabyo, nnali ngenda okuwandiika: ne mpulira eddoboozi eriva mu ggulu, nga lyogera nti Teeka akabonero ku ebyo ebibwatuka omusanvu bye byogedde, so tobiwandiika."

Ebyali mu bibwatuka ebyo tewali abimanyi. Naye twetaaga okumanya. Era kijja kwetaagisa nnabbi okufuna okubikkulirwa kubanga Katonda Talina ngeri ndala, yonna ya kuleetamu kubikkulirwa kwa Byawandiikibwa Bye okuggyako okuyita mu nnabbi. Ekigambo lubeerera kyayitanga mu nnabbi era lubeerera bwe kiriba. Eky'okuba nti eryo ly'etteeka lya Katonda kyeragira ne mu kunoonya obunoonya Ebyawandiikibwa okwa bulijo. Katonda Atajjulukuka n'engeri ezitajjulukuka nga bulijo Yatuma nnabbi We mu buli mulembe abantu nga bawabye okuva ku nkola Entukuvu. Abaasomerera eby'eddiini awamu n'abantu nga bavudde ku Kigambo, Katonda bulijo Yatuma omuweereza We eri abantu bano (naye ng'oggyleeko abaasomerera eby'eddiini) okusobola okugolola okuyigiriza okukyamu n'okukulembera abantu okubazzaayo eri Katonda.

Kale tulaba omubaka w'omulembe gwomusanvu ng'ajja, era nga nnabbi.

Tetulaba bulabi mubaka ono ng'ajja wano mu Kubikkulirwa 10:7, naye tusanga nti Ekigambo kyogera ku Eriya ng'ajja nga Yesu Tannadda.

Mu Matayo 17:10,

"Abayigirizwa Be ne bamubuuza, ne bagamba nti, kale kiki ekigambya abawandiisi nti Eriya kimugwanidde okusooka okujja." Yesu n'Addamu, Eriya ajja ddala, alirongoosa byonna."

Ng'okujja kwa Mukama waffe tekunnaba, Eriya atekwa okukomawo olw'omulimu gw'okuddaabulula mu kkanisa.

Kino Malaki 4:5 ky'agamba,

"Laba Ndibatumira Eriya nnabbi olunaku olukulu olw'entiisa olwa Mukama nga terunnatuuka. Era alikyusa omutima gwa bakitaabwe eri abaana n'omutima gw'abaana eri bakitaabwe; nneme okujja ne nkuba ensi n'ekikolimo."

Ddala tewali kubuuusabuusa n'akatono nti Eriya atekwa okudda ng'okujja kwa Yesu tekunnabaawo. Waliwo omulimu ogw'enjawulo gw'alina okutuukiriza. Omulimu ogwo kye kitundu kya Malaki 4:6 ekigamba "*alikyusa emitima gy'abaana eri bakitaabwe.*" Ensonga kye tuva tumanya nti guno mulimu gwe ogw'enjawulo okugukola mu kiseera ekyo eri nti yatuukiriza dda ekitundu ekyo ekigamba "*alikyusa emitima gya bakitaabwe eri abaana,*" obuwereza obwo obwa Eriya bwe bwabeerawo wano mu Yokaana Omubatiza.

Lukka 1:17,

"Alikulembera mu maaso Ge mu Mwoyo n'amagezi ga Eriya okukomyawo emitima gya bajjajja eri abaana n'abatawulira okutambuliranga mu magezi g'abatuukirivu; okutegekera Mukama abantu abaateekebwateekebwa."

Mu buweereza bwa Yokaana "emitima gya bakitaabwe gyakyuka okudda eri abaana." Ekyo tukimanyi kubanga Yesu bw'Atyo bwe Yayogera. Naye tekigamba nti emitima gy'abaana gyakyusibwa okudda eri bakitaabwe. Ekyo tekinnabeerawo. Emitima gy'abaana ab'ennaku envannyuma gya kukyusibwa gidde eri bakitaabwe Abapentekoote. Yokaana yateekateeka bakitaabwe eri Yesu okwaniriza abaana mu kisibo. Kati nnabbi ono Omwoyo wa Katonda gw'Agwako aliteekateeka abaana okwaniriza Yesu ng'Akomawo.

Yesu Yayita Yokaana Omubatiza, Eriya.

Matayo 17:12,

"Naye Mbagamba nti, Eriya amaze okujja nabo tebaamumanya, naye baamukola bye baayagala."

Ensonga eyayisa Yokaana Eriya, yali nti lwa kuba Omwoyo y'Omukomo Yali Akomyewo nate ku Yokaana, ng'era Omwoyo Oyo bwe Yali Akomyewo ku Erisa oluvannyuma Iw'obufuzi bwa kabaka Akabu. Kati nate omulundi omulala Omwoyo Oyo Ajja kudda ku muntu omulala nga Yesu Tannaba kukomawo. Agenda kuba nnabbi. Bw'atyo agenda kukakasibwa Katonda. Nga bwe kiri nti Yesu, Mwene, mu mubiri Tajja kubeerawo kumukakasa, (nga bwe Yakola Yokaana) kigenda kukolebwa Omwoyo Omukukuvu obuwereza bwa nnabbi ono bulyoke bubeeremu okweyleka okukulu era okwâmagero. Nga nnabbi, buli kubikkulirwa kugenda kukakasibwa, kubanga buli kubikkulirwa kugenda kutuukirira. Emirimu egy'ekitalo egy'amaanyi gigenda kukolebwa okuyita mu kulagira kwe mu kukkiriza. Olwo nno obubaka bulyoke buleetebwe obwo Katonda bwe Yamuwa mu Kigambo okukyusa abantu okubazza ku mazima awamu n'amaanyi ga Katonda amatuufu. Abamu bagenda kuwuliriza, naye abasinga obungi bagenda kudduka beekolemu ebibiina bamugaane.

Okuva bwe kiri nti nnabbi omubaka ono ow'omu Okubikkulirwa 10:7 aliba kye kimu ng'oyo ow'omu Malaki 4:5-6 mu butonde agenda kufaanana Eriya ne Yokaana. Bombi baali bantu baawuufu okuva ku masomero g'eby'eddiini ag'ennaku zaabwe. Bombi baali basajja ba mu malungu. Bombi okukola ekintu kyonna baasookanga kuba na "Bw'Atyo bw'Ayogera Mukama," butereevu okuva eri Katonda okuyita mu Kubikkulirwa. Bombi baagugumbula enkola y'amadiini. Ko n'abafuzi ab'ennaku zaabwe. Naye tekyali ekyo kyokka baagugumbula n'abo abaalina emize ginnamutta oba abaali basobola okusiiga bannaabwe emize egoy. Era wekkaanye, bombi baalagula bingi ebibi ku bakazi abagwagwa n'engeri zaabwe. Eriya yayogerera waggulu ng'awemuukiriza Yezeberi, ne Yokaana yanenya Kerodiya, mukyala wa Firipo.

Newankubadde taliba mututumufu, agenda kukakasibwa Katonda. Nga Yesu bwe Yakakasa Yokaana, n' Omwoyo Omukukuvu n'Akakasa Yesu, kale tuyinza okusuubira nti okusooka byonna omusajja ono ajja kukakasibwa Omwoyo ng'Akolera mu bulamu bwe mu mirimu eg'yamaanyi egoy egitawakanyizika era egitasangibwa walala wonna; era Yesu Mwene, mu kudda, Agenda kumukakasa, nga bwe Yakakasa Yokaana. Yokaana yajulira nti Yesu Ajja, era n'omuntu ono bw'alikola bw'atyo, nga Yokaana, nti Yesu Ajja. Era okudda kwa Kristo kwennyini kujja kukakasa nti omuntu ono ddala ye yali omutesiteesi w'okujja kwa Yesu okw'omulundi ogwokubiri. Kino ky'ekizibiti ekisembayo nti ddala ono ye nnabbi owa Malaki 4, kubanga enkomerero y'ebiro

by'abaamawanga Yesu, Mwene, y'Alirabika. Olwo nno kiriba kikeerezi nnyo eri abo abaamugaana.

Okusobola okwongera okutangaaza okulaga kwaffe okwa nnabbi ow'ennaku zino ezisembayo, leka tukitegeerere ddala nti nnabbi w'omu Matayo 11:12, yali Yokaana Omubatiza, oyo eyalangibwa mu Malaki 3:1,

"Laba Ntuma omubaka Wange, naye alirongoosa ekkubo mu maaso Gange: era Mukama gwe munoonya Alijja mu yeekaalu Ye nga tebamanyiridde; n'omubaka w'endaagano gwe musanyukira, laba, ajja, bw'Ayogera Mukama w'ejje."

Matayo 11:1-12,

"Awo olwatuuka Yesu bwe Yamala okulagira abayigirizwa Be ekkumi n'ababiri n'Avaayo n'Agenda okuyigiriza n'okubuulira mu bibuga byabwe.

Naye Yokaana bwe yawulirira mu kkomera ebikolwa bya Kristo n'atuma abayigirizwa okumugamba nti,

Ggwe Wuuyo Ajja oba tulindirire omulala?

Yesu n'Addamu n'Abagamba nti, muddeeyo mutegheeze Yokaana bye muwulira ne bye mulaba.

Abazibe b'amaaso balaba, n'abalema batambula, n'abagenge balongoosebwa. n'abaggavu b'amatu bawulira, n'abafu bazuukizibwa, n'abanaku babuulirwa enjiri.

Naye yenna alina omukisa atalimwesittalako

. Nabo bwe baagenda, Yesu n'Asooka okwogera n'ebibiina ku Yokaana nti kiki kye mwagenderera mu ddungu okutunuulira? Olumuli olunyeenyezebwa n'empewo?

Naye kiki kye mwagenderera okulaba? Omuntu ayambadde ezinekaaneka? Laba abambadde ezinekaaneka baba mu nnyumba za bakabaka.

Naye kiki kye mwagenderera? Okulaba nnabbi. Weewaawo, mbagamba era asingira ddala nnabbi.

Oyo ye yawandiikwako nti, Laba ntuma omubaka wange mu maaso Go, Alikukulembra alirongoosa ekkubo lyo.

Ddala mbagamba nti tebanga mu abo abazaalibwa abakazi omuntu asinga Yokaana Omubatiza: naye omuto mu bwakabaka obw'omu ggulu amusinga ye."

Kino kyamala dda okutuukirira. Kino kimaze okubaawo. Kiwedde. Naye laba kati mu Malaki 4:1-6,

"Kubanga laba, olunaku lulja, Iwokya ng'ekikoomi; n'abamalala bona n'abo bona abakola obubi baliba bisasiro: awo olunaku olujja lulibookera dala, bw'Ayogera Mukama w'eggye, obutabalekerawo kikolo newankubadde ettabi.

Naye mmwe abatya Erinnya Lyange Enjuba ey'Obutuukirivu eribaviirayo ng'erina okuwonya mu biwaawaatiro byayo, kale mulifuluma ne muligita ng'ennyana ez'omu kisibo.

Era mulirinnyirira ababi; kubanga baliba vvu wansi w'ebigere byammwe, ku lunaku Iwe Ndikolerako bw'Ayogera Mukama w'eggye.

Mujjukire amateeka ga Musa omuddu Wange, ge Nnamulagirira ku Kolebu olwa Isiraeri yenna ebiragi n'emisango.

Laba Ndibatumira Eriya nnabbi olunaku olukulu olw'entiisa olwa Mukama nga terunnaba kutuuka. Era alikyusa omutima gwa bakitaabwe; Nneme okujja ne Nkuba ensi n'ekikolimo."

Laba, amangu ddala nga Eriya ONO azze, ensi egenda kulongoosebwa n'omuliro era n'ababi bookebwe okuba evvu. Ddala, kino TEKYATUUKIRIRA mu biseera bya Yokaana (eyali Eriya mu nnaku ze.) Omwoyo wa Katonda Eyalagula okujja kw'omubaka mu Malaki 3:1 (Yokaana) Yali Anogaanya bunogaanya bunnabbi Bwe obw'omu Isaaya 40:3 obwafuluma ebyasa ebitakka wansi wa bisatu emabega

"Eddoboozi lyayogerera waggulu nti mulongoose mu lukoola ekkubo lya Mukama, mugololere mu ddungu Katonda waffe oluguudo."

Kati Yokaana, ng'akozesebwa Omwoyo Omutukuvu, yali ddoboozi lya mirundi ebiri erya Isaaya ne Malaki mu Matayo 3:3,

"Kubanga oyo nnabbi gwe yayogerako ng'agamba nti eddoboozi ly'oyo ayogerera mu ddungu nti Mulongoose oluguudo Iwa Mukama, Mulunngamye amakubo Ge."

Kale tusobola okulaba okuva mu Byawandiikibwa bino nti nnabbi ow'omu Malaki 3,

eyali Yokaana SI ye nnabbi ono ow'omu Malaki 4, newankubadde nga ddala, bombi, Yokaana ne nnabbi ono ow'ennaku ezisembayo baliko Omwoyo y'Om Oyo Eyali ku Eriya.

Kati omubaka ono owa Malaki 4 era Okubikkulirwa 10:7 agenda kukola ebintu bibiri. Ekisooka: Okusinziira ku Malaki 4 agenda kukyusa emitima gy'abaana okubazza eri bakitaabwe. Ekyokubiri: Agenda kubikkula ebyama eby'ebibwatuka mu Okubikkulirwa 10 ng'ebyo kwe kubikkulirwa okuli mu buponero omusanvu. Bigenda kuba gano "amazima-ag'ekyama" agabikkulwa mu ngeri Entukuvu ng'ago ge gakyusiza ddala emitima gy'abaana okudda eri bakitaabwe Abapentekoote. Mazima ddala bwe kiri.

Naye kino nakyo kirowoozeeko. Omubaka nnabbi mu butonde bwe ne mu mpisa ze ajja kuba nga Eriya ne Yokaana bwe baali. Abantu ab'omu nnaku z'omubaka nnabbi ono baliba ng'abo abaaliwo mu nnaku za Akabu, ne mu za Yokaana. Kale okuva bwe kiri nti emitima gya "ABAANA GYOKKA" gye girikyusibwa, abaana bokka be bajja okuwuliriza. Mu nnaku za Akabu 7,000 bokka Abayisiraeri ensigo ey'amazima be baalabika. Mu nnaku za Yokaana waaliwo batono ddala abaalabika. Nnamungi w'omuntu mu mirembe gyombi yali mu bukaba obw'okusinza ebifaananyi.

Njagala okwongerako okugeraageranya okulala kumu wakati wa omubaka nnabbi wa Lawodikiya ne Yokaana, omubaka nnabbi eyakulembera okujja kwa Yesu okwasooka. Abantu mu nnaku za Yokaana baalowooza nti ye Masiya.

Yokaana 1:19-20,

"Kuno kwe kutegeeza kwa Yokaana, Abayudaaya abaava e Yerusaalemi bwe baamutumira bakabona n'Abaleevi okumubuuza nti Ggwe ani? N'ayatula, n'ateegaana; n'ayatula nti Si nze Kristo."

Kati omubaka nnabbi ono ow'ennaku ezisembayo ajja kuba n'amaanyi amangi mu maaso ga Mukama wabeerewo n'okubeerawo abakola ensobi bamuyite Mukama waffe Yesu.

(Wajja kubaawo omwoyo mu nsi mu kiseera ekivannyuma oglisendasenda abamu era gubakkirizise kino.

Matayo 24:23-26,

"Mu biro ebyo omuntu bw'abagambanga nti Laba Kristo Ali wano, oba nti Wano; temukkirizanga. Kubanga walija bakristo ab'obulimba ne bannabbi ab'obulimba nabo balikola obubonero obukulu n'ebiyamagero; n'okukyamya bakyamye n'abalonde, oba nga kiyinzika.

Laba Mbalabudde.

Kale bwe babagambanga nti Laba, Ali mu ddungu; temufulumanga: laba Ali mu bisenge munda; temukkirizanga."

Naye temukkirizanga. Si ye ye Yesu Kristo. Si ye Mwana wa Katonda. Y'OMU KU B'OLUGANDA, NNABBI, MUBAKA, MUWEEREZA WA KATONDA. Teyeetaaga kuweebwa kitibwa kingi kusinga ku ekyo Yokaana kye yaweebwa bwe yali eddobozi eryayogerera waggulu, "Si nze ye, NAYE AJJA ENNYUMA WANGE."

Nga tetunnafundikira kitundu kino ekikwata ku mubaka w'omulembe gwa Lawodikiya, mu bwegendereza tuteekwa okufumiitiriza ku birowoozo bino ebibiri. Okusooka, omulembe guno gujja kuba ne nnabbi omubaka OMU. Okubikkulirwa 10:7, kigamba, "Bw'aliba ng'agenda (omu) okufuuwa." Tewabangawo mulembe gwonna Katonda mwe Yaweeera bantu Be bannabbi abakulu babiri omulundi gumu. Yawa Enoki (yekka); Yawa Nuwa (yekka): Yawa Musa (yekka ye yalina Ekigambo newankubadde abalala baalagula); Yokaana Omubatiza yajja YEKKA. Kati mu nnaku zino ez'oluvannyuma wajja kubaawo NNABBI (si nnabbi mukazi — newankubadde mu mulembe guno waliwo abakazi bangi abeetwala okuba nti bawa okubikkulirwa kwa Katonda okusinga abasajja), kyo Ekigambo kya Katonda Ekitasobyia Kigamba nti ye (nnabbi) alibikkula, ebyama eri abantu ab'ennaku ez'oluvannyuma, era akyuse emitima gy'abaana okugizza eri bakitaabwe.

Waliwo abo abagamba nti abantu ba Katonda bagenda kudda wamu nga bayita mu kubikkulirwa okw'awamu. Nsoomooza ekigambo ekyo. Bwe kigeraageranyizibwa ku Okubikkulirwa 10:7, Iujeejeemo Iwa Iwatu omutali kantu. Kati siwakana nti abantu tebagenda kulagula mu mulembe guno ogusembayo nti era n'obuweereza bwabwe busobola era buliba butuufu. Sigaana nti walibaawo bannabbi era nga mu nnaku za Pawulo bwe waaliwo "omu Agaba nnabbi eyalagula enjala." Nzirkiriza ekyo bwe kiri.

WABULA OKUSINZIIRA KU BUKAKAFU BW'EKIGAMBO SIKKIRIZA NTI WABEERAWO BANNABBI ABASOBA MU OMU NNABBI-OMUBAKA ALIBIKKULA EBYAMA NGA BWE BIRI MU KIGAMBO, ERA OYO ALINA OBUWEEREZA OBW'OKUKYUSA EMITIMA GY'ABAANA OKUBAZZA ERI BAKITAABWE. "Bw'Atyo bw'Ayogera Mukama" okuyita mu Kigambo Kye ekitalemwa, kiyimirire; era kijja kuyimirira era kikakasibwe. Waliwo nnabbi omubaka omu eri omulembe guno.

Okusinziira ku mpisa z'obuntu zokka, buli omu amanyi nti awali abantu abangi era wabeerawo endowooza ez'enjawulo ku busonga obutonotono ku njigiriza enkulu bona awamu gye baba balina. Olwo ani anaaba n'obuyinza obw'okuzzibwawo mu mulembe guno ogusembayo, kubanga omulembe guno ogusembayo gugenda kuddayo mu kwoleka Omugole ow'Ekigambo Ekirongoofu? Ekyo kitegeeza nti nate tugenda kuddamu okuba n'Ekigambo mu bulongoofu bwakyo nga bwe kyaweebwa, era nga bwe kyategeerekekera ddala mu nnaku za Pawulo. Nja kubabuulira ani anaaba nakyo. Ajja kuba nnabbi nga bwe kyakakasibwa mu buli ngeri, oba nga bwe kyakakasibwa n'okusinga mu nnaku za nnabbi yenna mu mirembe gyonna okuva ku Enoki okutuuka leero, kubanga omusajja ono kijja kumwetaagisa okuba n'obuweereza obw'obunnabbi obw'oku ntikko, era Katonda wa kumulaga. Tekija kumwetaagisa kweyogerera, Katonda Ajja kumwogerera ng'Ayita mu ddoboozi ly'akabonero. Amiina.

Ekirowoozo ekyokubiri ekiteekwa okussibwa ku mitima gyaffe kye kino nti emirembe gy'ekkanisa omusanvu gyatandika n'omwoyo gw'omulabe wa Kristo n'Omwoyo Omutukuvu Oyo Ow'okuweebwa omukisa emirembe gyonna.

1 Yokaana 4:1,

"Abaagalwa, temukkirizanga buli mwoyo, naye mukemenga emyoyo, oba nga gyava eri Katonda: kubanga bannabbi ab'obulimba bangi abaafuluma mu nsi."

Ekyo mukirabye? Omwoyo omulabe wa Kristo gugendera wamu ne bannabbi ab'obulimba. Emirembe gyajja ne bannabbi ab'obulimba era gjija kuggwaako ne bannabbi ab'obulimba. Kati kwo okuba wajja kubaawo NNABBI OW'OBULIMBA YENNYINI mu makulu gennyini ag'omuntu oyo agoogerwako mu Okubikkulirwa. Naye nga kati tannabikkulwa bannabbi ab'obulimba bangi.

Matayo 24:23-26,

"Mu biro ebyo omuntu bw'abagambanga nti Laba, Kristo Ali wano, oba wano; temukkirizanga.

Kubanga walija bakristo ab'obulimba ne bannabbi ab'obulimba nabo, balikola obubonero obukulu n'ebiyamagero; n'okukyamya bakyamye n'abalonde, oba nga kiyinzika.

Laba, Mbalabudde.

Kale bwe babagambanga nti Laba Ali mu ddungu; temufulumanga: laba Ali mu bisenge munda; temukkirizanga."

Bannabbi bano ab'obulimba bongerwa okutulambirwa mu Byawandiikibwa ebirala eby'enjawulo nga kino wammanga.

2 Pet. 2:1-2,

"Naye era bwe ne wabaawo bannabbi ab'obulimba mu ggwanga era nga ne mu mmwe bwe waliba abayigirizwa b'obulimba era nga beegaana ne Mukama waabwe Eyabagula, nga beereetera okuzikirira okwangu.

Era bangi abaligoberera obukuba bwabwe; abalivumisa ekkubo ery'amazima."

2 Timoseewo 4:3-4,

"Kubanga ebiro birijja lwe batalikkiriza kuwlira kuyigiriza kwa bulamu; naye, amatu nga gabasiwa, balikunngaanya abayigiriza ng'okwegomba kwabwe bwe kuli; baliziba amatu okulekanga amazima, balikyama okugobereranga enfumo obufumo."

1 Tim. 4:1,

"Naye Omwoyo Ayogera Iwatu nti mu nnaku ez'oluvannyuma walibaawo abaliva mu kukkiriza, nga bawulira emyoyo egikyamya n'okuyigiriza kwa bassetaani."

Kati ku buli mulundi ojja kulaba nti nnabbi ow'obulimba y'oyo ali ebweru w'Ekigambo. Nga bwe tubalaze nti "omulabe wa Kristo" kitegeeza "omulabe w'Ekigambo" n'olw'ekyo bannabbi ab'obulimba bano boonoona Ekigambo, nga bakiwa amakulu agatuukagana n'ebigendererwa byabwe ebya setaani. Kino wali okyetegerezza nti abantu abawabya bannaabwe babeesibirako ddala ku lusegere nga bayita mu kubatiisatiisa? Bagamba nti

abantu bwe batakola kye babagamba, oba bwe bakivaako, olwo kuzikirizibwa kwe kuddirira. Bannabbi ba bulimba, kubanga nnabbi ow'amazima emirundi gyonna aleeta omuntu eri Ekigambo era n'asiba abantu ku Yesu Kristo era tajja kugamba bantu kumutya oba ekyo ky'ayogera naye batye Ekigambo kye kigamba. Weetegereze abantu bano bwe bafaanana, okufaanana nga Yuda, banoonya ssente. Bakutunzisa buli kyonna ky'olina okiweeyo gye bali n'eri entegeka zaabwe. Bamala ebiseera bingi ku biweebwayo okusinga bye bamala ku Kigambo. Abo abagezaako okukozesa ekirabo ekyo ekirimu n'ensobi mu kyo olwo ne basaba ssente ne batafa ku Kigambo olwo ne bakiyita nti kya Katonda. Era abantu bajja kugenda gye bali, bagendere wamu nabo, babawagire, babakkirize, nga tebamanyi nti kkubo lya kufa.

Ddala, ensi kati ejjudde abageegeenya ab'omubiri. Mu nnaku ez'oluvannyuma bajja kugezaako okukopperera nnabbi omubaka. Batabani ba Sukewa omusanvu baagezaako okukopperera Peetero. Okugeegeenya kwabwe kugenda kuba kwa mubiri. Tebagenda kusobola kuvaamu ekyo nnabbi ow'amazima ky'akola. Bw'agamba nti okudda obuggyga kuwedde bo bajja kugenda buli wantu nga bagamba mbu balina okubikkulirwa okw'ekitalo nti abantu kye balina ddala kituufu nti era Katonda Agenda kukola eby'amaanyi ebisingako era ebyewuunisa mu bantu. Era abantu bajja kubikkiriza. Bannabbi ab'obulimba bano be bamu bajja kugamba mbu omubaka ow'ennaku ezisembayo teyasomerera bya ddiini, n'olw'ekyo tateekwa kuwulirizibwa. Bajja kuba nga tebasobola kuvaamu ekyo omubaka ky'asobola; Katonda Tagenda kubakakasa nga nnabbi ow'ennaku ezisembayo bw'ali, naye nga bakozesa ebigambo byabwe ebigulumivu n'ettutumu lyabwe eritali ddungi mu nsi yonna bajja kulabula abantu obutawuliriza musajja oyo (omubaka) era bajja kugamba nti ayigiriza bikyamu. Batambulira ddala nga bakitaabwe, Abafalisaayo, abaali aba setaani, kubanga baagamba mbu Yokaana ne Yesu bombi baayigiriza bikyamu.

Kati Iwaki bannabbi bano ab'obulimba balumba nnabbi ow'amazima era ne batyoboola okuyigiriza kwe? Lwa kubanga badduka bakole ekibiina nga bajjajja baabwe abaabasooka mu nnaku za Akabu bwe baaziyiza Mikaaya. Bonna baali ebikumi bina era bonna baali bakkiriziganya; era bonna nga boogera ekintu kimu, baalimba abantu. Naye nnabbi OMU — omu yekka — ye yali omutuufu abalala bonna baali bakyamu kubanga Katonda Yali Awadde okubikkulirwa eri OMU YEKKA.

Mwerinde bannabbi ab'obulimba, kuba gy'emisege egisikula.

Bw'oba ng'okyalimu okubuuusabuusa ku kino saba Katonda Akujuze n'Omwoyo Gwe era Akukulembere, KUBANGA OMULONDE YENNYINI TAYINZA KUSIRIWAZIBWA. Ekyo mukifunye? Tewali muntu ayinza kukusiriwaza. Pawulo ne bwe yandibadde omukyamu, teyandisobodde kusiriwaza mulonde yadde omu. Era mu Mulembe ogwo ogwa Efeso ogwasooka baali tebasobola kulimbibwa kubanga baagezesha abatume ne bannabbi ab'obulimba ne babazuula nga balimba era ne babafulumya. Aleruuya. Endiga ZE ziwlira eddoboozi Lye era zimugoberera. Amiina. Ekyo nkikkiriza.

Okulamusa

Okubikkulirwa 3:14,

"Bw'Ati bw'Ayogera oyo Amiina, Omujulirwa Omwesigwa era ow'Amazima, Olubereberye Iw'Okutonda kwa Katonda."

Owange okwo si kwe kunnyonnyola okwewuunisa okw'ebiraga Mukama waffe omwagalwa era Omulokozi, Yesu Kristo? Ebigambo bino byagala kundeekaanyiza waggulu. Bindeetera mu mutima gwange omwoyo owa nnamaddala. Okubisoma obusomi nga sirinze na kulinda kubikkulirwa kulamba okw'Omwoyo ku byo kinkyamuukiriza.

Yesu Atuwa okunnyonnyola kuno okumukwatako Yennyini nga kukwata ku mulembe guno ogusembayo. Ennaku ez'ekisa zituuka ku nkomerero. Abadde Atunula okuvira ddala ku kyasa ekyasooka okuyitira ddala mu byasa byonna okutuuka ku ky'amakumi abiri, n'Atunuulira ebintu byonna ebikwata ku mirembe gino. Nga Tannatubikkulira bikolwa eby'omulembe ogusembayo, Atulaga omulundi gumu ogusembayo Obwakatonda Bwe obw'oku ntikko era obw'ekisa. Lino ly'Ejjinja ery'oku ntikko mu kubikkulibwa Kwe.

Bw'Atyo bw'Ayogera Oyo: "AMIINA." Yesu Ye Amiina wa Katonda, Yesu ye "Kibe bwe kityo" Owa Katonda. Amiina kiraga kisembayo. Kiraga kusebebwa. Kiraga ekisuubizo ekiwangula. Kiraga ekisuubizo ekiriwo. Kiraga ekisuubizo ekitakyuka. Kiraga akabonero (envumbo) ka Katonda.

Kino njagala mukyekenneeny mulabe ekintu ekirungi ddala era ekiwoomu. Nnagambye nti kuno kwe kubikkulirwa Kwe okumukwatako okw'ebiseera eby'oluvannyuma. Olunaku olw'ekisa bwe luliggwaako, olwo emyaka olukumi oluvannyuma ne gjjjirawo mangu, si bwe kiri?

Kale, tusomere wamu IsaAYA 65:16-19

"Eyeesabira omukisa mu nsi ky'anaavanga yeesabira omukisa eri Katonda ow'amazima; n'oyo alayira mu nsi anaalayiranga Katonda ow'amazima; kubanga obuyinike obwasooka bwerabiddwa era kubanga bukwekeddwa amaaso Gange.

Kubanga laba, Ntonda eggulu eriggya n'ensi empya: so ebintu ebyasooka tebirijjukirwa so tebiriyingira mu mwoyo.

Naye musanyuke mujagulize ennaku zonna ekyo kye Ntonda: kubanga, laba, Ntonda Yerusaalemi ne Njaguliza abantu Bange:

so n'eddoboozi ery'okukaaba nga terikyawulirwa omwo nate newankubadde eddoboozi ery'okulira."

Kino kikwata ku Yerusaalemi ekiggya. Gino gy'emyaka olukumi. Naye nga tugenda mu myaka olukumi wulira ky'Agamba ku kika kya Katonda gw'Ayogerako mu lunyiriri 16.

"Eyeesabira omukisa mu nsi ky'anaavanga yeesabira omukisa eri Katonda Ow'amazima."

Ddala, ekyo kituufu, naye okukikyusa kwennyini tekiri "Katonda Ow'amazima." Kiri Oyo Owa AMIINA. Kale tukisoma bwe tuti, "Alyesabira omukisa mu Katonda Oyo Owa AMIINA; kubanga emitawaana eg'yemabega gyerabiddwa, era kubanga gikwekeddwa mu maaso Gange. Kubanga, mulabe Ntonda ensi empya n'eggulu eriggya; era ebyasooka tebigenda kujjukirwa, wadde okujja mu birowoozo. Naye mmwe musanyukire era mujagulize emirembe gyonna mu ekyo kye Ntonda, kubanga, mulabe Nfuula Yerusaalemi ekijaguzo, n'essanyu eri abantu be. Era Ndisanyukira mu Yerusaalemi, era Nsanyukire mu bantu Bange: era eddoboozi ery'okukungubaga teririddamu kuwulirwa mu ye: wadde eddoboozi ery'okukaaba." Aleruuya. Yakuwa ow'Endagaano Enkadde Ali wano, "Katonda Oyo owa Amiina" Yesu ow'Endagaano Empya Ali wano, "Katonda Oyo owa Amiina" Wulira Israeri, Mukama Katonda wo Ali OMU." Endagaano Empya tebikkulayo Katonda MULALA, kubikkulirwa okweyongera obweyongezi mu maaso okwa KATONDA OMU ERA NGA KATONDA Y'OMU. Kristo okuva mu ggulu Teyakka kwemanyisa. Teyajja kubikkula Mwana. Yajja kubikkula n'okumanyisa Kitaffe. Tayogeranga ku ba Katonda babiri; Yayogera ku Katonda OMU. Era mu mulembe guno ogusembayo, tuzzeeyo ku kubikkulirwa okw'Ejjinja ery'oku ntikko, okubikkulirwa okusingira ddala obukulu mu Bayibuli yonna ku Bulamba bwa Katonda, kwe kuno nti, YESU YE KATONDA, YE NE KITAFFE BALI OMU: WALIWO KATONDA OMU, ERA ERINNYA LYE YE MUKAMA YESU KRISTO.

Ye ye Katonda owa Amiina. Ye Takyukakyuka. By'Akola bibeerera. Tewali ayinza kutoola ku ky'Agamba ova kukyongerako. Kibe bwe kityo. Amiina. Kale kibe bwe kityo. Toli musanyufu okulaba ng'oweereza Katonda Afaanana ng'Oyo? Osobola okumanyira ddala wa w'oyimiridde naye ekiseera kyonna ne mu biseera byonna. Ye Katonda Owa Amiina Atajja kukyuka.

"Bw'Atyo bw'Ayogera Oyo AMIINA."

Ekyo nkyagala. Kitegeeza nti buli kye yayogera kye kisembayo. Kitegeeza nti buli kye Yayogera eri omulembe ogwasooka n'eri omulembe ogwokubiri era n'eri emirembe gyonna ku bikwata ku kkanisa Ye ey'amazima era ne ku muzabbibu ogw'obulimba kituufu ddala era tekija kukyuka. Kitegeeza nti kye Yatandika nakyo eri mu Lubereberye, Alikimaliriza mu Kubikkulirwa. Alina okukola bw'Atyo kubanga Ye Amiina, KIBE BWE KITYO. Kati tusobola okulaba nate Iwaki setaani akyawa ebitabo eky'Olubereberye n'eky'Okubikkulirwa. Akyawa amazima. Amanyi nti amazima gajja kuwangula. Amanyi enkomerero ye bw'eriebeera. So ng'akirwanyisa. Naye ffe tuli ku ludda oluwangazi. Ffe (ntegeeza abo bokka abakkiriza Ekigambo Kye) tuli ku luuyi lwa Amiina.

"Bw'Ati bw'Ayogera Omwesigwa era Omujulirwa ow'Amazima."

Kati njagala okukulaga kye nsanga mu kirowoozo "omwesigwa." Mumanyi bulijjo twogera ku Katonda Omukulu Atakyuka, Nnanyini Kigambo ekitakyuka. Era bwe tumwogerako mu ngeri eyo emirundi mingi tufuna ekifaananyi ku Ye ekimulabisa ng'Atali wa nnamaddala. Kifaanana nga Katonda Yatonda ebintu byonna n'amateeeka

gonna agabikwatako n'Adda ku bbali n'Afuuka Katonda ow'Ekitalo Atafaayo. Kiringa Katonda eyassaawo ekkubo ery'obulokozi eri omuntu eyabula, ng'ekkubo eryo gwe musaalaba, era olwo okufa kwa Kristo nga kumaze okusasula olw'ebibi byaffe, n'okuzuukira Kwe nga kutuwadde oluggi oluggule gy'Ali, Katonda n'azingako buzinzi emikono Gye n'Ayimirira ku bbali. Kifaanana nga ffe abeefunyirira mu kukkiriza Omuronzi Ow'ekitalo, Oyo Eyatonda, kyokka ebitonde Bye n'Abyenyiwa. Njogera ekkyo kati kubanga abantu bangi bwe balabika okulowooza. Naye eyo endowooza nkyamu. Kubanga Katonda KAAKATI AFUGA MU NSONGA Z'ABANTU. YE BYOMBI MUTONZI ERA OMUKUUMI.

Abakkolosaayi 1:16-17.

"Kubanga mu Oyo ebintu byonna mwe byatonderwa, mu ggulu ne ku nsi, ebirabika n'ebitalabika, oba nga ntebe za bwakabaka, oba bwami, oba kufuga, oba masaza; ebintu byonna byatondebwa Ye, era ne ku Lulwe."

Naye Ye w'olubereberye mu byonna, era ebintu byona bibeerawo mu Ye."

Katonda Wa ku Ntikko. Okuyita mu kuteesa Kwe Yateekateeka entegeka y'obulokozi eya abalonde Be be Yamanyirawo. Omwana Yafiira ku musaalaba okuteekawo ekkubo ly'obulokozi era Omwoyo Omutukuvu mu bwegendereza Atuukiriza Katonda by'Ayagala. Mu kiseera kino ebintu byonna Abikola kusinziira ku kigendererwa kya ntegeka Ye. Ali ddala wakati mu Byonna. Ali wakati mu kkanisa Ye. Omuronzi ow'ekitalo ono, Katonda-Omulokozi mu bwesigwa Akolera mu bantu Be kaakano ng'Omusumba w'endiga omukulu. Okubeerawo Kwe kwennyini kuliwo ku Iw'ababe. Abaagala era Abafaako. Eriiso Lye teribavaako. Ekigambo bwe kigamba nti "obulamu bwammwe bukwekeddwa ne Kristo mu Katonda" kitegeereza ddala ekkyo kye Kigamba. Oh, ndimusanyufu nnyo okuba nti lubeerera Katonda wange mwesigwa. Teyeerimba, Tajja kulimba. Mwesigwa eri Ekigambo. Ajja kukiwagira. Wa mazima gye tuli, Tagenda kubulwako n'omu ku ffe, wabula Alituzuukiza ku lunaku Iw'enkomerero. Ndi musanyufu okuba nti nneesigamye mu bwesigwa Bwe.

Abafiripi 1:6

"Nga ntegeeredde ddala kino ng'Oyo Eyatandika omulimu omulungi mu mmwe Aligutuukiriza okutuusa ku lunaku Iwa Yesu Kristo."

'Ye Mujulirwa ow'Amazima."

Kati ekigambo kino, Mazima kigambo kye kimu kye twalabye emabega eri mu Okubikkulirwa 3:7. Mujukira nti tekitegeeza "mazima" agageraageranyizibwa "n'obulimba." Kirina amakulu magagga, ag'ebuziba okweyongerayo. Kinnyonnyola okumanya okulamba ng'okigeraageranyizza n'okumanya okw'ekitundu. Kati emabega eri mu Mulembe gwa Firaderufiya, okujja kwa Mukama kwali kusembra. Omulembe ogwo naga gwamulagira mu kwagala okw'ekitalo.

Kinzijkiza ebigambo ebyo ebirungi ebiri mu 1 Peetero 1:8,

"Gwe mwagala nga temunnaba kumulaba: gwe mutualaba kaakano, naye mumukkiriza, ne mujaguza essanyu eritayogerekeka, eririna ekitiibwa."

Naffe tusanyukira wamu nabo. Tetunnamulaba, naye tumuwulidde. Tumumanyi obusimu bwaffe we bukoma okutusobozesa. Naye lumu kiriba maaso ku maaso. Ekyo kya mulembe guno. Ajja ku nkomerero y'omulembe guno. Okumanya okw'ekitundu kulifuulibwa OKUMANYA OKULAMBA, OKUMANYA OKUTUUKIRIDDE. Aleruuya! Tubadde tulabira mu ndabirwamu etatangaala bulungi naye mangu ddala kijja kuba maaso ku maaso. Tubadde tuva mu kitiiibwa okugenda mu kitiiibwa naye mangu ddala kijja kubeerera ddala mu kitiiibwa kyennyini; era mu KITIIBWA KYE TULYAKAAYAKANA. TULIFAANANA NGA YE, TULIBA BAMAGERO NGA YE, YESU OMULOKOZI WAFFE OMUTUUKUVU! Ekyo si kya kitalo! Mu Ye tuli balamba. Ekyo bwe kiri. Ku ekkyo Teyanditulimbye. Naye luliba lumu tulikyusibwa mu butonde. Tulyambala obutavunda. Ffenna tuliyingizibwa mu bulamu. Olwo TULIMANYA OKUMANYA.

"Ye ye Mujulirwa Omwesigwa era ow'Amazima."

Kati tulowooze ku kigambo ekkyo, 'omujulirwa.' Kale, ekigambo ekkyo mwe tujja ekigambo 'omujulizi' (oyo afiirira enzikiriza). Bayibuli eyogera ku Suteefano, Antipa n'abalala ng'abajulizi. Baali bajulizi; era baali bajulirwa. Yesu Yali mujulizi mwesigwa. Omwoyo Omutukuvu ekyo Akirinako obukakafu. Omwoyo Omutukuvu ekyo Akirinako obuwandiike. Ensi yakyawa Yesu. Yamutta. Naye Katonda Yamwagala era Yagenda ewa Kitaffe. Obukakafu obulaga nti yagenda ewa Kitaffe bwe bunu nti Omwoyo Omutukuvu

Yajja. Singa Yesu Teyasembezebwa Kitaffe Omwoyo Teyandizze.

Kisome mu Yokaana 16:7-11

"Naye Nze Mbagamba amazima; kibasaanira, mmwe Nze okugenda; kubanga bwe Sirigenda, Omubeezi Talibajjira; naye bwe Ndigenda Ndimutuma gye muli.

Ye bw'Alija, Alirumiriza ensi olw'ekibi, n'olw'obutuukirivu, n'olw'omusango.

Olw'ekibi, kubanga tebanzikiriza Nze.

Olw'obutuukirivu, kubanga Ngenda eri Kitange, so nammwe temukyandaba nate; olw'omusango, kubanga omukulu w'ensi eno asaliddwa omusango."

Okubeerawo kw'Omwoyo Omutukuvu mu nsi muno mu kifo kya Yesu okubeera wano, kikakasa nti Yesu Yali mutuukirivu era Yagenda eri Kitaffe.

Naye ate era kigamba mu Yokaana 14:18,

"Siribaleka bamulekwa, Nkomawo gye muli."

Yatuma Omubeezi. Ye YALI OMUBEEZI. Yakomerawo mu MWOYO MU KKANISA ENTUUUFU. Ye MUJULIRWA omwesigwa era ow'amazima wakati mu kkanisa naye luliba lumu Alikomerawo mu mubiri nate. Olwo Alikakasa ani omufuzi omugezi yekka, — ye Ye, Yesu Kristo Mukama Ow'Ekitiibwa.

Omujulirwa ow'Amazima era Omwesigwa, Omuronzi era Omukuumi, Okumanya Okutuukiridde, Oyo Amiina wa Katonda.

Oh, nga mmwagala, nga mmusinza, Yesu Omwana wa Katonda.

Njagala okufundikira ebirowoozo byange ku kitundu kino eky'okulamusa n'ebigambo ebiri mu

2 Abakkolinso 1:18-22.

"Naye nga Katonda bw'Ali omwesigwa ekigambo kyaffe ekiri eri mmwe si bwe kiri nti weewaawo.

Kubanga Omwana wa Katonda Yesu Kristo, ffe gwe twabuulira mu mmwe, nze ne Sirwano ne Timoseewo, Teyali nti weewaawo ate si weewaawo, naye mu Ye mwe muli weewaawo.

Kubanga mu byonna byonna Katonda bye Yasuubiza, mu Oyo mwe muli weewaawo: era Oyo ky'Ava Aleeta Amiina, Katonda Atenderezebwe ku bwaffe.

Naye Atunyweza ffe awamu nammwe mu Kristo, era Eyatufukako amafuta ye Katonda era Eyatussaako akabonero, n'Atuwa omusingo ogw'Omwoyo mu mitima gyaffe."

"Olubereberye Iw'Okutonda kwa Katonda."

Oyo y'Oyo Mukama Yesu gw'Agamba nti ye Ye. Naye ebigambo ebyo tebitegeeza ekyo kyennyini nga bwe tubiwulira. Okubitwala obutwazi nga bwe biwulikika kireetedde abamu (ddala abantu bayitirivu obungi) okulowooza nti Yesu Ye yali ekitonde kya Katonda ekyasooka nga bamussa wansi w'Obwakatonda. Olwo ekitonde kino ekipereberye ne kitonda ebirala byonna mu nsi na buli ekirimu kyonna. Naye ekyo si kituufu. Mumanyi nti ekyo tekikwatagana na biri mu Bayibuli. Ebigambo biri; Ye ye MUTANDISI oba NNANNYINI bitonde bya Katonda. Kati tumanyidde ddala nti Yesu Ye Katonda, Katonda Yennyini. Ye ye Mutonzi.

Yokaana 1:3

"Ebantu byonna byakolebwa ku bw'Oyo; era awataali Ye tewaakolebwa kintu na kimu ekyakolebwa."

Y'Oyo Ayogerwako, Oluberebrye I : I

"Olubereberye Katonda Yatonda eggulu n'ensi."

Era kigamba mu Okuva 20:11,

"Kubanga mu nnaku omukaaga Mukama mwe Yakolera eggulu n'ensi, ennyanja, n'ebantu byonna ebirimu, n'Awummulira ku lunaku olwomusanvu."

Laba, tewali kubuusabuusa Ye ye mutonzi. Ye yali Omuronzi w'OBUTONDE BWONNA OBULABIKA.

Kati tuyinza okulaba ebigambo bino kye bitegeeza. Okubeera n'okunnyonnyola okulala kyanditegeezza nti Katonda Yatonda Katonda. Katonda Yanditondeddwa Atya ate nga Ye, Yennyini, ye mutonzi?

Naye kati Ayimiridde wakati mu kkanisa. Ng'Ayimiridde awo nga Yeeraga mu mulembe

guno ogusembayo Ye Ani, Yeeyita, "Nnannyini butonde bwa Katonda." Buno BUTONDE BULALA. Buno bukwataganako n'ekkanisa. Kino kifaananyi (nnyinnyonnyola) ekimukwatako Ye Yekka. Ye ye MUTONZI w'ekkanisa eyo. Omugole (omusajja) ow'omu ggulu Yeekolera omugole (omukazi) We. ng'Omwoyo wa Katonda, Yajja n'Atondera mu Malyamu embeerera obuweke omwazaalibwa omubiri Gwe. Ekyo njagala okukiddamu. Yatonda obuweke bwennyini mu lubuto Iwa Malyamu olw'omubiri ogwo. Kyali tekimala Omwoyo Omutukuvu okuwa obuwi obulamu eri eggi ly'omuntu erya Malyamu. Ekyo kyandibadde omuntu ow'ekibi okuzaala omubiri. Ekyo tekyandizadde "Adamu Asembayo.". Oyo eyayogerwako "Laba, Wantegkera omubiri (Kitaffe)." Katonda (si Malyamu) Ye Yategeka omubiri ogwo. Malyamu ye yali omuntu omumaamizi era yawanirira Omwana Oyo Omutukuvu era n'amuzaala. Yali Katondamuntu. Ye yali Omwana wa Katonda. Yali wa butonde OBUGGYA. Omuntu ne Katonda baasisinkana ne batabagana; Ye yali omubereberye mu kika ekiggya. Ye mutwe gw'ekika kino ekiggya.

Abakkolosaayi 1:18,

"Era Oyo gwe mutwe gw'omubiri, y'ekkanisa: Oyo Iwe lubereberye mu byonna."

2 Abakkolinso 5:17

"Omuntu yenna bw'aba mu Kristo ky'ava abeera ekitonde ekiggya: eby'edda nga biwedde; laba, nga bifuisse biggya."

Awo oyinza okulaba nti wadde omuntu yali wa NKOLA NKADDE oba obutonde, kati mu KUTABAGANA NE KRISTO, afuuse EKITONDE EKIGGYA ekya KATONDA.

Abaefeso 2:10

"Kubanga ffe tuli mulimu Gwe, ABAATONDERWA MU YESU KRISTO olw'ebikolwa ebirungi, Katonda bye yasooka okuteekateeka ffe okubitambulirangamu"

Abaefeso 4:24,

"Okwambala OMUNTU OMUGGYA, eyatondebwa mu Kifaananyi kya Katonda mu butuukirivu ne mu butukuvu obw'amazima."

Obutonde buno Obuggyga si butonde bukadde bwe buddiddwamu, singa bwe kityo tebwandiyitiddwa butonde buggyga. Kye kino kyennyini kye kitegeeza, "OBUTONDE OBUGGYA." Butonde bulala, bwa njawulo okuviira ddala ku bukadde. Takyakozesa ngeri za mubiri. Bw'Atyo bwe Yakolagana ne Isiraeri. Yalonda Ibulayimu, era okuyita mu zzadde lya Ibulayimu okuyita mu lunyiriri Iwa Isaaka olutya Katonda. Naye kaakano okuva mu buli kika, eggwanga n'ensi Ataddewo obutonde obuggyga. Ye mubereberye ku butonde obwo. Yali Katonda Eyatondebwa mu kifaananyi ky'omuntu. Kati okuyita mu Mwoyo Gwe Yeetondera Abaana bangi. Katonda omutonzi, Yeetondera ekitundi ky'obutonde Bwe.

Kuno kwe kubikkulirwa kwa Katonda okutuufu. Kino kye kyali ekigendererwa Kye. Ekigendererwa Kye kyakakata nga kiyita mu kulonda. Eyo y'ensonga Iwaki Yasobola okulengerera ddala okutuuka mu mulembe ogusembayo byonna we biriggweera era ne Yeeraba ng'Akyali wakati mu kkanisa nga Nnannyini Butonde buno Obuggyga obwa Katonda. Obuyinza Bwe obw'oku Ntikko bwe bwakituukiriza. Ng'Ayita mu kiragiro Kye Yalonda abantu ab'okubeera mu Butonde buno Obuggyga. Yabaawula okufuuka abaana okusinziira ku ntegeka Ye emusanyusa. Nga bw'Amayi byonna era nga bw'Asobola byonna Yakituukiriza. Singa tekyali bwe kityo Yanditegedde Atya nti Yandiyimiridde wakati mu kkanisa nga baganda Be bamuwa ekitiibwa singa Teyakakasa? Ebintu byonna Yabimanya, era ebintu byonna Yabituukiriza okusinziira ku bye Yamanya ekigendererwa Kye n'ebimusanyusa biryoke bituukirire.

Abaefeso 1:11

"Mu Oyo naffe mwe twafuukira obusika, bwe twayawulibwa edda mu kumalirira kw'Oyo Akoza byonna nga bw'Ayagala mu kuteesa Kwe."

Aleruuya! Temuli basanyufu okuba nti muli babe!

Obubaka Eri Omulembe Gwa Lawodikiya

Okubikkulirwa 3:15-19,

"Nti Mmanyi ebikolwa byo, nga tonnyogoga so tobuguma: waakiri obe ng'onnyogoga oba obuguma.

Bwe kityo kubanga olina ekibuguumirize, so tonnyogoga so tobuguma, Ndikusesema mu kamwa Kange.

Kubanga oyogera nti Ndi mugagga era ngaggawadde, so ssiriiko kye nneetaaga, so tomanyi ng'oli munaku ggwe era asaasirwa era omwavu era omuzibe w'amaaso era ali obwereere.

Nkuweerera amagezi okugula gye Ndi ezaabu eyalongoosebwa mu muliro, olyoke ogaggawale, n'engoye enjeru, olyoke oyambale, era ensonyi ez'obwereere bwo zireme okulabika; n'eddagala ery'okusiiga ku maaso go, olyoke olabe.

Nze bona be Njagala Mbanenya era Mbabuulirira: kale nyiikira weenenye."

Nga bwe tukisomedde awamu ffenna nkakasa nga mulabye nti Omwoyo Tayogedde kintu kyonna kirungi ku mulembe guno. Alumiriza ebintu bibiri era n'Alangirira omusango Gwe ku byo.

(1) Okubikkulirwa 3:15, 16,

"Nti Mmanyi ebikolwa byo, nga tonnyogoga so tobuguma:

waakiri obe ng'onnyogoga ova obuguma. Bwe kityo kubanga olina ekibuguumirize, so tonnyogoga so tobuguma Ndikusesema mu kamwa Kange."

Kino tugenda kukyekaliriza n'obwegendereza. Kigamba nti ekibiina ky'ekkanisa y'omulembe guno ogwa Lawodikiya kya kibuguumirize. Ekibuguumirize kino kisaanidde okubonerezebwa Katonda. Ekibonerezo kiri nti bajja kusesemwa okuva mu kamwa Ke. Mu butamanya bagamba nti Katonda Ayinza okukusesema okuva mu kamwa Ke era nti ekyo kikakasa nti tewali mazima bwe gatyo mu njigiriza egamba nti Abatukuvu bagumiikiriza mu bizibu. Wano wennyini njagala okugolola endowooza yammwe. Olunyiriri luno teruweeredwa muntu omu. Luweeredwa kkanisa. Ayogera eri kkanisa. N'ekirala, bwe muteerabire Ekigambo mujja kujjukira nti tewali we kigambira nti tuli mu KAMWA ka Katonda. Twayolebwu mu bibatu Bye. Tusituliddwa mu kifuba Kye. Edda ennyo mu biro ebitamanyiddwa nga n'ebiseera tebinnabaawo twali mu birowoozo Bye. Tuli mu kisibo Kye, era mu ddundiro Lye, naye tetubangako mu kamwa Ke. Naye kiki ekiri mu kamwa ka Mukama? Ekigambo kiri mu kamwa Ke.

Matayo 4:4

"Naye n'Addamu n'Agamba nti Kyawandiikibwa nti Omuntu tabanga mulamu na mmere yokka, wabula na buli Kigambo ekiva mu kamwa ka Katonda"

Naffe, Ekigambo kiteekwa okuba mu kamwa kaffe. Kati tumanyi nti ekkanisa gwe mubiri Gwe. Eri wano mu kifo Kye. Kiki ekinaabeera mu kamwa k'ekkanisa? EKIGAMBO.

1 Peetero 4:11,

"Omuntu yenna bw'ayogeranga (ayogerenga) ng'ebiragiro (Ekigambo) bya Katonda bwe biri." 2 Peetero 1:21 "Kubanga tewali kigambo kya bannabbi ekyali kireeteddwa mu kwagala kw'abantu; naye abantu baayogeranga ebyava eri Katonda, nga bakwatiddwa Omwoyo Omutukuvu." Kale kati kiki ekikyamu ku bantu bano ab'ennaku ezisembayo? BAVUDDDE KU KIGAMBO. TEBAKYAKIYAAYAANIRA. BA KIBUGUUMIRIZE KU KYO. Kati ekyo nngenda kukikakasa.

Aba Baptist balina ebikwate byabwe n'ebiragiro byabwe bye beesigamizza ku Kigambo era toyinza kubanyeena. Bagamba nti ennaku z'abatume ez'ebiyamagero zaggwaako era tewali kubatizibwa na Mwoyo Mutukuvu, ng'omuntu amaze okukkiriza. Aba Methodist bagamba (nga beesigamyu ku Kigambo) nti tewali kubatizibwa na mazzi (okumansira si kubatizibwa) nti era okutukuzibwa kwe kubatizibwa n'Omwoyo Omutukuvu. Ab'enzikiriza eyitibwa Church of Christ bo essira balissa ku kubatizibwa kw'okuzaalibwa okwokubiri era emirundi egisinga obungi bayingira nga boonoonyi abakalu ne bavaamu nga boonoonyi abatobye. So nga bagamba mbu enjigiriza yaabwe yeesigamye ku Kigambo. Kkira ddala wansi ku lukalala otuuke ku ba Pentekoote. Balina Ekigambo? Bagezese n'Ekigambo olabe. Bajja kuwaanyisa Ekigambo n'okukyamuukirira kumpi buli kiseera. Bw'oba osobola okubaako ky'oyoleka ng'amafuta n'omusaayi n'ennimi n'obubonero obulala, oba mu Kigambo oba nedda, oba kivvuunuddwa mu butuufu okusinziira ku Kigambo, abasinga obungi bajja kukikkiriza. Naye kiki ekituuse ku Kigambo? Ekigambo kiteekeddwa ku bbali, Katonda ky'Ava Agamba, "Mbawakanaya mwenna. Nja kubasesema mu kamwa Kange. Eno y'enkomerero. Kubanga mu mirembe gyonna omusanvu Ssirina kye Ndabye okuggyako abantu okugulumiza ekigambo kyabwe okusinga Ekyange. Kale ku nkomerero y'omulembe guno Nja kukuwandula okuva mu kamwa Kange. Byonna biwedde. Nngenda kwogera byonna ebituufu. Yee, Ndi wakati mu kkanisa. Amiina owa Katonda, omwesigwa era ow'amazima Ajja kweyleka era kijja KUYITA MU NNABBI WANGE." Oh, ddala, bwe kiri.

Okubikkulirwa 10:7,

"Naye mu nnaku z'eddoboozi lya malayika owoomusanvu, bw'aliba ng'agenda okufuuwa, ekyama kya Katonda ne kiryoka kituukirira, ng'enjiri bw'eri gye yabuulira abaddu Be bannabbi."

Ky'ekyo. Atuma nnabbi akakasiddwa. Atuma nnabbi nga waakayita emyaka kumpi enkumi bbiri. Atuma omuntu omwawufu ennyo ku bibiina, obuyigirize, n'ensi ey'eddiini nti okufaanana nga Yokaana Omubatiza ne Eriya ow'edda, Ajja kuwulira kuva eri Katonda Yekka era ajja kuba ne "bw'Atyo bw'Ayogera Mukama" era ayogere ku Iwa Katonda. Ajja kuba muzindaalo gwa Katonda era, OYO NGA BWE KYALANGIRIRWA MU MALAKI 4:6, ALIKYUSA EMITIMA GY'ABAANA ERI BAKITAABWE. Alikomyawo abalonde ab'ennaku ezisembayo era baliwulira nnabbi omukakase ng'awa amazima gennyini nga Pawulo bwe yakola. Agenda kuzaawula amazima nga bwe baagalina. Era abalonde abo wamu naye mu nnaku ezo be balyolekera ddala Mukama era babeere Omubiri Gwe era babeere eddoboozi Lye era bakole emirimu Gye. Aleruuya! Mukiraba?

Okulowoozaako ku byafaayo by'ekkanisa akaseera kijja kukakasa obutuufu bw'ekirowoozo kino. Mu mirembe gy'enzikiza Ekigambo kumpi kyali kibuze ku bantu. Naye Katonda Yatuma Luther n'EKIGAMBO. Abagoberezi ba Luther baayogera ku Iwa Katonda mu kiseera ekyo. Naye beekolera entegeka ezaabwe, ate era Ekigambo ekitali kitabulemu kyabula kubanga ebibiina byekubira kubiragi n'ebikwate so si ku Kigambo ekyangu. Baali tebakyasobola kwogera ku Iwa Katonda. Olwo Katonda n'Atuma Wesley, era oyo ye yali eddoboozi n'Ekigambo mu nnaku ze. Abantu abakkiriza okubikkulirwa kwe okwava eri Katonda be baafuuka ebbaluwa ennamu ezaasomebwa era ne zimanyibwa abantu bona ab'omulembe ogwo. Abamethodist bwe baalemwa, Katonda n'Ayimusa abalala era bwe kityo bwe kibadde okuyita mu myaka okutuusa mu nnaku zino ezisembayo waliyo abantu abalala nate mu nsi, ng'abo bakulemberwa omubaka waabwe baliba eddoboozi erisembayo eri omulembe ogusembayo.

Yee ssebo. Ekkanisa tekyali "akamwa" ka Katonda. Yeeyogerera ku Iwayo. Kale Katonda Agikyukira. Ajja kugiswaza ng'Ayita mu nnabbi n'omugole, kubanga eddoboozi lya Katonda liribeera mu ye.

Yee bwe kiri, kubanga mu ssuula esembayo mu Okubikkulirwa olunyiriri 17 kigamba,
"Omwovo n'omugole boogera nti Jjangu."

Nate omulundi omulala ensi ejja kuwulira butereevu okuva eri Katonda nga bwe kyali ku Pentekoote; naye kwo okuba oyo Omugole w'Ekigambo alisambajjibwa nga mu mulembe ogwasooka.

Kati Ayogeredde waggulu eri omulembe guno ogusembayo, "Mulina Ekigambo. Mulina Bayibuli nnyingi okusinga ze mwali mubadde nazo, naye temulina kye mukola ku Kigambo okuggyako okukikutulakutulamu obutundutundu, nga mutwalako bye mwagala ne mulekawo bye mutayagala. Temunyumirwa KUKITAMBULIRAMU, wabula okukiwakanya. Njagala mangu mube nga munnyogoga oba mwokya. Bwe muba abannyogovu ne mukigaana, ekyo nnandikigumidde. Bwe mwengerera ne mumanya amazima gaakyo ne mukitambuliramu Nnandibawaanye olw'ekyo. Naye bwe muddira Ekigambo Kyange ne mutakissaamu kitiiwba, Nange bwe Ntyo Nteekwa okugaana okubafaako. Nja kubawandula kubanga munsinduukiriza emmeeme."

Kati omuntu yenna amanyi nti amazzi ag'ekibugumirize ge gakulwaza olubuto. Bw'oba oyagala ekintu eky'okukusesemya, amazzi ag'ekibuguumirize kumpi ge gasinga okukola. Ekkanisa ey'ekibuguumirize erwazizza Katonda era Alangiridde nti Ajja kugiwandula. Kitujukiza engeri gye Yawuliramu amataba nga ganaatera okubeerawo, si bwe kiri?

Oh, Katonda Yandyagadde ebeere nnyinyogovu oba eyokya. Ekyandisingidde ddala obulungi, yandibadde eyengeredde. Naye si bweri. Omusango gusaliddwa. Tekyali ddoboozi lya Katonda eri ensi. Ejja kugenda mu maaso ng'egamba nti bw'etyo bweri, naye Katonda Agamba nti si bweri.

Oh, Katonda Akyalina ky'Ayogera eri abantu b'ensi, era nga bw'Ayogedde eri omugole. Eddoboozi eryo liri mu mugole nga bwe tugambye era ekyo tujja kwongera okukyogerako oluvannyuma.

(2) Okubikkulirwa 3:17-18,

"Kubanga oyogera nti ndi mugagga, era ngaggawadde, ssiriiko kye nneetaaga, so tomanyi ng'oli munaku ggwe era asaasirwa era omwavu era omuzibe w'amaaso era ali obwerefere.

Nkuweerera amagezi okugula gye Ndi ezaabu eyalongoosebwa mu muliro, olyoke ogaggawale, n'engoye enjeru, olyoke oyambale, era ensonyi ez'obwereere bwo zireme okulabika; n'eddagala ery'okusiiga ku maaso go, olyoke olabe."

Kati laba enjogera y'olunyiriri luno esooka, "Kubanga oyogera nti." Laba, baali bagamba. Baali boogera ng'eddobozi lya Katonda. Kino kikakasiza ddala ekyo kye nnagambye ennyiriri 16-17 kye zitegeeza. Naye newankubadde bakyogera tekikifuula kituufu. Ekereziya Enkatolika egamba nti eyogerera Katonda, ng'egamba nti yo ly'eddobozi lya Mukama ekkakafu. Kinsukkirideko okumanya nti omuntu yenna asobola okuba omwonoonyi mu mwoyo okwenkana awo, naye babala ebibala okusinziira ku nsigo ebalimu, era tumanyi wa ensigo eyo we yava, si bwe kiri?

Ekkanisa ya Lawodikiya egamba, "Ndi mugagga era ngaggawadde, ssiriiko kye nneetaaga." Bw'etyo yo bwe yeetalirira. Yeetunuulira era ekyo kye yalaba. Yagamba, "Ndi mugagga," ekitegeeza nti alina bingi nnyo eby'ensi eno.

Yeenyimiriza bw'okigeraageranya ne Yakobo 2:5-7,

"Muwulire, baganda bange abaagalwa; Katonda Teyalonda abalina obwavu bw'omu nsi okubeeranga n'obugagga obw'okukkiriza, n'okusikira obwakabaka bwe Yasuubiza abamwagala?"

Naye mmwe mwanyooma omwavu. Abagagga si be babajooga ne babawalula bennyini awasalirwa emisango?

Singa bavuma Erinnya eddungi lye muyitibwa?"

Sigamba nti omuntu omugagga TAYINZA kuba wa Mwoyo, naye ffenna tumanyi nti Ekigambo kigamba nti batono nnyo. Abaavu be basinga obungi mu mubiri gw'ekkanisa entuufu. Kati, ekkanisa bw'ejjula obugagga, tumanyi ekintu kimu kyokka; "Ikabodi" kiwandiikkidwa ku miryango gye! Ekyo toyinza kukisambajja, kubanga ekyo ky'Ewigambo.

Yogera ku bugagga mu kkanisa — Iwaki tewabangawo kwolesa kwa bugagga ng'okwo. Emyaliro emirungi ennyo gyeyongedde obungi okusinga bwe kyali kibadde. Ebibiina ebitali bimu bisindana okulaba ani asobola okuzimba ekizimbe ekisinga obunene era n'obulungi. Era bazimba ebitebe by'enjigiriza eby'obukadde bw'ensimbi obutabalika, era ebizimbe ebyo bikozesebwa okumala essaawa emu ova bbiri, zokka mu wiiki. Kati ekyo tekyandibadde kibi nnyo, naye basuubira nti akaseera kano abaana ke bamala mu kifo ekyo eky'ebi'enjigiriza ke kaba kadda mu kifo ky'ekiseera eky'okutendekebwa kwe bateekwa okufunira eka.

Essente ziyiise mu kkanisa okutuusa amadiini agatali gamu lwe gafunye entuumu z'ebi'obusuubuzi n'emigabo, amakolero, enzizi z'amafuta, n'amakampuni ga yinsuwa. Bayiye ssente mu bibiina ebikola ku mbeera z'abantu n'ebyo ebigabirira abawummudde emirimu. Kati kino kiwulikika nga kirungi, wabula kifuuse kyambika eri abawereza, kubanga singa basalawo okulekulira ebibiina byabwe beeyongere okufuna omusana ova okwagala kwa Katonda, obusiiimo bwabwe babufirwa. Abasinga obungi kino tebayinza kukigumira era basigala mu bibiina byabwe ebibanyigiriza.

Kati temwerabira nti guno gwe mulembe ogusembayo. Tumanyi nti guno gwe mulembe ogusembayo kubanga Isiraeri ezzeeyo mu Nsi Entukuvu. Oba tukkiriza nti ddala Ajja, olwo wateekwa okubaawo ekikyamu n'abo abazimba ekiyitiride. Omuntu kimulowoozesha nti bano bategeka okubeera wano mirembe na mirembe, ova nti okujja kwa Yesu kuli eyo mu myaka bikumi na bikumi.

Mumanyi nti eddiini ennaku zino emanyiddwa ng'ekintu eky'ebi'enfuna eky'amaanyi? Kintu kya nnamaddala nti bateeka bamaneja mu makanisa okulabirira eby'ensimbi. Kino Katonda ky'Ayagala? Ekigambo Kye mu Kitabo ky'Ebikolwa Tekyatuyigiriza nti abasajja musanvu abaali bajjudde Omwoyo Omutukuvu n'okukkiriza baawereza Mukama mu mirimu gy'ekkanisa? Oyinza okukirabira ddala Iwaki Katonda Yagamba, OGAMBA nti oli mugagga; Ssigambangako.

Waliwo zipulogulaamu ku laadiyo, ku ttivvi n'entegeka nnyingi endala ez'ekkanisa ezitwala obukadde n'obukadde bwa ddoola. Obugagga buyiika era buyiika mu kkanisa, obwammembwa bweyongera n'essente ne zeeyongera, so nga omulimu tegukolebwaa nga bwe gwakolebwanga nga ssente teziriwo, naye abantu beesigamiranga ddala ku busobozi obwabaweebwanga Omwoyo Omutukuvu.

Waliwo ababuulizi ab'omusaala, ababeezi ab'omusaala, abaddukanya eby'ennyimba n'ebi'enjigiriza nga ba musaala, kkwaya ez'omusaala, abavunaanyizibwa ab'omusaala,

zipulogulaamu, n'eb'y'okusanyusa — nga byonna bitwala ensimbi nnyingi, naye ebyo wadde biri bwe bityo, amaanyi gakendeera. Yee, ekkanisa ngagga naye amaanyi tegaliimu. Katonda Akolera mu Mwoyo We, so si lwa bungi bwa ssente oba obusobozi mu kkanisa.

Kati njagala okubalaga okuyaayaanira ssente kuno nga bwe kufuuse ekyennyamiza. Amakanisa gonna ganoonya kufuna bagoberezi, naddala abagagga. Buli wantu wonna waliwo omulanga okufuula eddiini ekintu ekisikiriza ennyo era ekikwata ku bulamu bw'abantu abagagga abayigirize n'abo abatutumufu mu by'ensi bayingire beenyigire mu kuddukanya ekkanisa. Tebayinza kukitegeera nti singa obugagga ye minzaani y'ebintu by'omwoyo, olwo ensi kitegeeza nti yafuna dda Katonda, ne byonna ebya Katonda, era ekkanisa n'eba nga terina kintu kyonna?

"Kubanga oyogera nti ndi mugagga era ngaggawadde."

Kino amakulu gaakyo gennyini gali nti "Nnina eby'obugagga eby'Omwoyo." Kino kiwulikika ng'emyaka olukumi omuli enguudo za zaabu n'okubeerawo kwa Katonda. Naye mbuusabuusa oba kino bwe kiri. Mazima ddala mu butuufu ekkanisa ngagga mu bintu by'omu Mwoyo? Ka twekenneenye okwenyumiriza kuno okwa Lawodikiya ey'omulembe gw'Ekyasa ky'abiri nga tukugeraageranya n'Ekigambo.

Mazima ekkanisa singa yali ngagga mu Mwoyo, ettutumu lyayo lyandibaddeko kye likola ku bulamu bw'abantu. Naye mazima bulamu nnaba ki abantu bano abayitibwa mbu ba mwoyo era abatutumufu mu bantu bwe batambuliramu? Eyo mu byalo, eyo mu bitundu by'abagagga, ejjudde okuwaanyisiganya abakazi, obwamalaaya, ebibinja by'abaana abalwanagana, ebireeta okufirizibwa ebintu okwamaanyi. Okwonooneka kw'empisa kutuuse ku ntikko okusinga bwe kwali kubadde ng'abantu bafuuse bakagwasonyi mu by'obwenzi, emize egyptenjaga, zzaala, obubbi, na buli mize gyonna emibi. So ng'ekkanisa egenda mu maaso ng'egamba nti omulembe guno mulungi nnyo, amakanisa nga bwe gajjudde era nga ne mu mawanga enjiri gy'ebuulirwa abantu bwe bakwatibwako. Abantu ekkanisa ebawaddeyo eri abasawo, naddala ab'obwongo. Engeri gy'esiriwalamu okweyita engagga mu by'Omwoyo sikitegeera na kukitegeera. Si kituufu. Baavu balunkupe ate nga tebakimanyi.

Weetoolooze amaaso wooli. Weetegereze abantu nga bayitawo. Mu nnamungi w'abo b'olaba, oyinza okulondobamu abo abalina ekifaananyi ky'Obukulisitaayo? Laba bwe bambala, laba bwe beeyisa, wulira bye boogera, laba wa gye bagenda. Ddala wateekwa okubeerawo obukakafu obwa nnamaddala obulaga okuzaalibwa obuggyga mu abo bonna be tulaba abayitawo. Naye nga batono. So nga ennaku zino amakanisa amakuukutivu gatugamba nti galina abalokole bukadde na bukadde era bajjuzibwa dda Omwoyo. Bajjuzibwa dda Omwoyo? Abakazi abatambula n'enviiri ensale ennange, empale ennyimpi n'empanvu, n'ezo ezibamiima nga beesibye ebisipi bonna nga beesiize langi nga Yezeberi, oyinza okubayita abajjuziddwa Omwoyo Omutukuvu? Oba nga bano bambadde engoye ezisaanidde ng'abakazi Abakulisitaayo bwe bateekwa, saandyagadde kulowooza ku ngeri gye kyandifaananyeemu nze okutuuunira okwoleka kw'obugwenyufu.

Kati mmmanyi nti abakazi si be bateekawo emisono. Hollywood yeegiteekawo. Naye abakyala muwulirize, bakyatundayo engoye ezitali ntungire ddala. Tolina kugula biri mu matundiro ne weekwasa ekyo. Eno ensonga si ya kusaaga gye nngenda okwogerako. Temusomanga mu Byawandiikibwa nti omusajja bw'atunuulira omukazi n'amwegomba mu mutima gwe, aba amaze okukola naye obwenzi mu mutima gwe? Era ggwe bw'oyambala mu ngeri ng'eyo n'omuleetera ekyo okukikola? Ekyo kikufuula agabanira awamu mu kibi, wadde ggwe tokitegeddeko, ng'oli mbeerera ntuufu atalina kwegomba ng'okwo. So nga Katonda Akuvunaana era olisalirwa omusango.

Kati mmmanyi nti mmwe abakyala temwagala kubuulira okufaanana bwe kutyo, naye mwannyinaze, oli mufu ddala mu ekyo ky'okola. Bayibuli ekugaana okusala enviiri zo. Katonda Yazikuwa okubeeera ekibikkako. Yakuwa ekiragiro zisigale nga mpanvu. Kitiibwa kyo. Bw'osalako enviiri zo oba olaga nti ovudde mu bukulembeze bwa balo. Okufaanana nga Kaawa, mwafuluma ne mugenda ku lwammwe. Mwakkirizibwa okukuba akalulu. Mwatwala emirimu gy'abasajja. Mwalekayo okuba abakazi. Muteekwa okwenenya mudde eri Katonda. Gy'oli nti ekibi ekyo kyali tekimala, mwenna mwatwala endowooza nti musobola okuzinda ebituuti n'obuweereza bw'ekkanisa obwa Katonda bwe Yalekera abasajja era abasajja bokka. Oh, awo nno nkutte mu bbwa, si bwe kiri? Kale ndagaayo ekifo kimu mu Bayibuli Katonda we Yayawulira omukazi yenna okubuulira oba okufuga omusajja, nja kwetonda olw'ekyo kye njogedde. Toyinza kukisanga nga ndi

mukyamu. Ndi mutuufu, kubanga nnyimiridde n'Ekigambo era mu Kigambo. Singa mwali bagagga mu Mwoyo mwanditegedde nti ekkyo kituufu. Tewali kintu kituufu okuggyako Ekigambo. Pawulo yagamba, "Naye omukazi mmugaanyi okuyigirizanga newankubadde okufuganga omusajja." Tekisoboka ggwe okubeera n'ekifo mu buweereza obutaano obuli mu Abaefeso 4 n'oba nga tofuga basajja. Mwannyinaze, wandiwlirizza Ekigambo ekkyo. Omwoyo wa Katonda si Ye Yali Yeeyoleka mu bulamu obujjudde Omwoyo n'Akulagira okubuulira kubanga Omwoyo n'Ekigambo bali OMU. Boogera ekintu kye kimu. Waliwo eyakola ensobi. Waliwo eyasiriwazibwa. Muzuukuke nga tebunnayita. Setaani yasiriwaza Kaawa, nnyammwe; kaakano asiriwaza bawala be. Katonda Abayambe.

"Ssiriiko kye nneetaaga."

Kati omuntu yenna bw'agamba, "ssiriiko kye nneetaaga," aba kye kimu agamba, "Nnina buli kintu," oba aba agamba, "ssaagala kwongerako birala nga bwe nzijudde kati." Kino osobola okukyogera engeri yonna gy'oyagala, era byonna bitegeeza ekintu kimu nti ekkanisa ematidde tekyetaaga. Ekkuse n'ebyo by'erina. Yo yeebala nti erina byonna oba erina ebimala. Era ekkyo kyennyni kye tulaba ennaku zino. Ddiini ki etagamba mbu Y'ERINA okubikkulirwa n'amaanyi n'amazima? Wuliriza aba Baptist, kwonna bakulina. Wulira aba Baptist, kwonna bakulina. Wulira aba Methodists, kwonna bakulina. Wulira abo aba Church of Christ, buli omu mukyamu okuggyako bo. Wulira aba Pentekoote kye bagamba balina obujjuvu bw'obujjuvu. Kati bamanyi nti kye mboogerako kya mazima, kubanga tewali na kimu ku bitabo byabwe kyogera kya njawulo. Kyonna baakiwandiika bulungi nnyo n'amannya gaabwe ne bakimaliriza. Katonda Takyalinayo kirala. Era waliyo abo abatayagala kweyongerako kirala kyonna. Tebakkiririza mu kuwonyezebwa era tebakwetaaga, wadde kuli mu Kigambo. Waliwo abo abatandyagadde kusembeza Mwoyo Mutukuvu wadde Katonda Aggulawo eggulu n'Abalaga akabonero.

Kati bona bagamba, era bagezaako okukakasa nti byonna babirina, oba balina ebimala. Naye ago ge mazima? Geraageranya ekkanisa ey'ekyasa kino eky'abiri n'ekkanisa ey'ekyasa ekyasooka. Genda mu maaso. Kola ekkyo. Amaanyi gali ludda wa? Okwagala kuli ludda wa? Ekkanisa eyatukuzibwa eyaziyyiza ekibi n'etambulira mu kukkiriza kwa Yesu? Obumu buli ludda wa? Toyinza kubusanga. Oba ng'ekkanisa eno erina byonna bye yeetaaga, Iwaki mu kitabo ky'Ebikolwa by'Abatume baali bakaabirira Katonda Abongerekko ng'abataalina byonna, so nga baalina bingi nnyo okusinga bo bye balina ennaku zino?

Okwekenneenyaa Kwa Katonda

Kati Katonda kye Yalaba kyal kya njawulo nnyo okuva ku ekkyo bo kye bagamba nti baalaba. Baagamba nti baali bagagga mu bintu obuntu era nga mu Mwoyo bayitirivu. Baali batuuse. Baali tebalina kye beetaaga. Naye Ye Katonda Yakiraba bulala. Yagamba, "kino temukimanyi, naye muli banaku, abasaasirwa, abaavu, bamuzibe, era abali obukunya." Kati abantu bwe babeera mu mbeera eyo, naddala nga bali bukunya ate nga TEBAKIMANYI, wateekwa okuba nga waliwo ekintu ekikyamu ennyo. Mu butuufu wateekwa okuba nga waliwo ekigenda mu maaso. Tekiri nti Katonda Azibye amaaso gaabwe nga bwe Yaziba aga Abayudaaya? Enjiri eddayo eri Abayudaaya? Ebyafaayo biddamu okubeerawo? Bwe ntyo bwe nngamba.

Katonda Agamba nti ekkanisa eno ey'Omulembe gwa Lawodikiya eri mu "nnaku." Ekigambo ekkyo kiva mu bigambo bibiri eby'Oluyonaani ekitegeeza "okuguma" ne "okugezesebwa." Era tekikwatagana ku bigezo ebija eri Omukulisiaayo omutuufu kubanga Katonda Annyonnyola ku Mukulisiaayo mu bigezo ng'omuntu "ow'omukisa" era ow'embeera ey'essanyu so nga ennyinyonnyola eno eyogeddwako nga "omunaku era asaasirwa." Nga kyewuunyisa. Mu mulembe guno omufungamye ebintu, mu mulembe guno ogw'omuyiika, okugezesebwa kuyinza kutya okubeerawo? Kale kati, kyewuunyisa; naye mu mulembe guno ogujjudde era ogw'omwagaanya, nga buli omu alina bingi nnyo ate ng'ekyaliyo bingi ebiralala eby'okufunibwa, nga kw'ogasse n'ebivumbuddwa okukola emirimu gyaffe n'ebintu bingi nnyo ebituwa amasanyu, MANGU DDALA, tusanga nti obulwadde bw'obwongo bwewyongedde nnyo ne bweraliikiriza n'eggwanga. Buli omu so nga yandibadde musanyufu, nga tewali kimunakuwaza, bukadde na bukadde ekiro bamira amakerenda agaweweza, ne beekatankira ku makya empeke ezireeta amaanyi, okweyuna abasawo, okuyingira amalwaliro, era n'okugezaako okwerabira ebitibu nga bakozesa ebitamiiza.

Yee, omulembe guno gwenyumiriza olw'amaterekero gaagwo ag'ekitalo omuli ebintu

ebi'ensi, wabula abantu banakuwawu okusinga bwe baali babadde. Omulembe guno gwenyimiriza okukulaakulana mu by'omwoyo naye abantu beeralikirivu nnyo. Omulembe guno gwenyimiriza okuba n'empisa ezisingako naye mwonoonefu okusinga omulembe omulala gwonna okuva amataba lwe gaaliwo. Gwogera ku magezi ne ssaayansi, naye olatalo lwe gulwana mu buli kintu tegugenda kuluwangula, kubanga okulowooza kw'omuntu n'omwoyo n'emmeeme ye tebiyinza kutegeera oba kugendera wamu na nkyukakyuka zonna ezizze ku nsi. Mu mulembe gumu tutambulidde ddala okuva ku mulembe gw'embalaasi n'ekigaali ne tutuuka ku mulembe ogw'ebizungirizi era twewaana ne twenyimiriza olw'ekyo; naye munda kiwowongole eky'enzikiza ekikaabira mu kubonaabona, era AWATALI NSONGA EMANYIDDWA abantu nga bazirika olw'entiisa era ensi eri mu nzikiza enkwafu ne kiba nti omulembe guno guyinza n'okuyitibwa ogw'abazoole. Gwenyimiriza naye tegulina kye guyinza kulaga okukakasa okwenyimiriza kwagwo. Guleekaana nti mirembe so nga tewali mirembe. Guleekaana nti gulina buli kintu, naye gwaka n'okwegomba ng'omuliro ogukyateta! "Tewali mirembe" bw'Agamba Katonda wange eri omubi.

"Basaasirwa" ekyo kitegeeza nti bantu abasaasirwa. Basaaasirwa? Banyooma okusaasirwa. Bajjudde amalala. Beewaana olw'ebyo bye balina. Naye bye balina tebijja kubeerawo lubeerera. Bazimbye ku musenu mu kifo ky'okuzimba ku Lwazi okubikkulirwa kw'Ekihambo kya Katonda. Mangu ddala musisi ajja. Mangu ddala omuyaga gw'ekiruyi kya Katonda gugenda kujja, era wadde bategese eby'omubiri tebaliba beetegefe olw'ekyo ekijja ku nsi. Waliwo abo abeekuba endobo nga tebakimanyi wadde bafubye mu by'ensi. Bantu abasaasirwa ennyo. Bambi saasira abantu abo abali mu nkola eno egatta enzikiriza zonna mu nnaku zino ezisembayo, kubanga bagiyita nkola ya Katonda, so nga ya Setaani. Saasira abo abalina amakanisa amangi ennyo amalungi amayumba ageegombesa, kkwaya entendeke obulungi, okweyoleka kw'obugagga n'ensinza enseenekekerevu era eweesa ekitiibwa. Basaaasire, tobeegombwa. Tuddeyo mu bisitoowa ebikadde, tuddeyo mu bisenge omutali mataala gamala, tuddeyo mu biwempe, tuddeyo tuyitirire ku bya Katonda eby'ensi tubikendeeze. Saasira abo abeenyimiriza ennyo, ne boogera ku birabo byabwe. Balumirwe ng'ebintu ebisaasirwa, kubanga mangu ddala bajja kuba bintu bya busungu.

"Baavu." Kati kwo okuba ekyo kitegeeza bwavu mu Mwoyo. Akabonero k'omulembe guno nga guggwaako, ge makanisa agasingako obulungi n'obunene n'abantu nga beeyongera obungi, n'okweyongera mu kwoleka ebyo ebyandibadde eby'Omwoyo Omukutuku. Naye woolutaali ezijjudde, ebirabo eby'Omwoyo nga bikola, obujumbize obulabika si kwe kwanukula okuva eri Katonda, kubanga, abo abajja ku woolutaali emirundi mingi batono nnyo abeeyongerayo ne Katonda, era nga pokopoko ow'enjiri ow'amaanyi awedde, abo bonna abakwatirira mu nnyiriri bali ludda wa? Baawulira omuntu, bawuliriza omulanga, baayingira mu katimba wabula tebaali byannyanja, naye okufaanana ng'enfudu baavula ne baddayo mu mazzi gaabwe.

Kati ate waliwo bino byonna ebyoyerwa ku nnimi — zibalibwa okuba obukakafu obulaga Okubatizibwa okw'Omwoyo Omukutuku, era abantu balowooza nti tuli wakati mu kudda obuggyga okw'ekitalo. Okudda obuggyga kuweddeko. Amerika yalina omukisa gwayo ogusembayo mu 1957. Kati ennimi kabonero ka Katonda akalaga okuzikirira okujja, era nga bwe zaalabika ku kisenge ku kijjulo kya Berusazza. Temumanyi nti bangi balijja ku lunaku olw'enkomerero ne bagamba, "Mukama wange, Mukama wange, tetwakola emirimu mingi egy'ekitalo mu Linnya Lyo, ne tutuuka n'okugoba emizimu?"

Era Aligamba,

"Muve we Ndi, mmwe mwenna abakola eby'obujeemu. Sibamanyangako."

Matayo 7:22-23.

Yesu Yagamba baali bakozi ba bujeemu. So nga, osanga ng'omuntu asobola okusabira omulwadde, ne wabaawo amafuta n'omusaayi mu kibiina, obunnabbi ne bujja na buli kintu eky'omwoyo, era abantu bajja kumukunngaanirako era balayire nti wa Mukama, wadde mu butuufu aba akumpanya ssente mu ddiini era ng'atambulira mu kibi. Ennyanukula yokka gye balina y'eyo etasangibwako n'akatono mu Bayibuli egamba, "kasita addibwamu, n'olw'ekyo ateeekwa okuba nga wa Katonda." Nga kyennyamiza. Omulembe guno nga mwawu nnyo mu Mwoyo wa Katonda, nga bambi abaaavu lunkupe n'okukimanya tebakimanyi.

"Oli muzibe w'amaaso era ali obwerefere." Kati kuno kusoferwa. Omuntu ayinza atya okuba omuzibe ate ng'era ali bwerefere n'atakimanya? Ate nga kigamba nti bamuzibe

abali obwerefere ate nga tebasobola kukitegeera. Eky'okuddamu kiri nti bamuzibe mu mwoyo ate bali bwerefere mu mwoyo. Mujukira Erisa ne Gekazi bwe beetooloolwa Abasuuli? Mujukira nti Erisa yabaziba amaaso ng'akozesa amaanyi ga Katonda. So ng'amaaso gaabwe gaali galabira ddala bulungi era nga balaba gye baali bagenda. Obuzibe bw'amaaso bwali bwa njawulo kuba waliwo ebintu ebimu bye baali basobola okulaba, ate ng'ebirala baali tebasobola kubiraba ng'ebyo Erisa, omuweereza we n'olusiisira lwa Isiraeri bye baalaba. Eggye lino kye lyali lisobola okulaba tekyaliyamba. Kye bataalaba kye kyabaatwala mu buwambe. Kati kino kirina makulu ki gye tul? Kitegeereza ddala ekyo kye kyategeeza edda mu buweereza bwa Yesu ku nsi. Yagezaako okubayigiriza amazima, naye baagaana okuwuliriza.

Yokaana 9:40-41,

"Abafalisaayo abalala abaali naye ne bawulira bwe batyo, ne bamugamba nti Naffe tuli bazibe b'amaaso?

Yesu n'Abagamba nti Singa mubadde bazibe b'amaaso, temwandibadde na kibi; naye kaakano mugamba nti Tulaba: ekibi kyammwe kibeerera awo."

Endowooza y'omulembe guno y'emu ddala nga bwe yali mu biseera ebyo. Abantu bakirina kyonna. Bakimanyi kyonna. Tebayinza kuyigirizibwa. Ensonga ey'amazima okuva mu Kigambo bw'ereetebwa omuntu n'agezaako okunnyonnyola eng'eri gy'akirabamu eri munne akiwakanya, gw'abuulira aba tawuliriza asobole okuyiga, wabula awuliriza kuwakanya buwakanya ekyo ekiba kyogerwa. Kati njagala mbuuze ekibuuzo awatali kwekubiira: Ebyawandiikibwa biyinza okulwanyisa Ebyawandiikibwa? Bayibuli ekontana ne Bayibuli? Wayinza okubaawo enjigiriza ebbiri ez'amazima mu Kigambo ezoogera eky'enjawulo oba ezikontana? NEDDA. TEKISOBOKA KUBA BWE KITYO. So nga bameka ku bantu ba Katonda abalina amaaso agalaba amazima ago? Tebewera wadde omu mu kikumi, nze nga bwe mmanyi, abayize nti Ebyawandiikibwa BYONNA byava wa Katonda era BYONNA bigasa okuyigiriza, okunenya, okugolola, n'ebirala. Oba ng'Ebyawandiikibwa bwe bityo bwe biweebwa, olwo buli lunyiriri lujja kukwatagana nga waliwo ekiseera. Wabula bameka abakkiririza mu kwawulibwa eri okulondebwa n'obutasiimibwa eri okuzikirira? Abo abatabikkiriza banaawuliriza? Nedda, tebajja kuwuliriza. So nga byombi biri mu Kigambo, era tewali kijja kukikyusa. Naye okukiyigako n'okukwanya amazima g'enjigiriza ezo awamu n'amazima amalala agalabika nga agakontana, tebajja kutwala biseera. Naye baggala amatu gaabwe, ne baluma obujiji ne basunguwala. Ku nkomerero y'omulembe guno wajja kujjavo nnabbi, naye bajja kuba bamuzibe eri ebyo byonna by'akola ne by'ayogera. Bakakasiza ddala nti batuufu, era mu buzibe bwabwe bajja kubifiirwa byonna.

Kati Katonda Agamba nti bali bwerefere era abazibe. Siyinza kufumiitiriza kintu kyonna kya kabi ng'omuntu okuba omuzibe ate ng'ali bwerefere ate nga takimanyi. Eky'okuddamu kiri kimu kyokka — obwongo buba tebukola. Aba takyalina na ky'ajjukira. Ebibye biwedde, aba awunze mu mwoyo. Kyandibadde na makulu ki amalala? Kiyinza okutegeeza nti abantu Katonda bamufulumizza mu mitima gyabwe okutuukira ddala ku ssa nti kati kiri nga bwe kyawandiikibwa mu Abaruumi 1:28.

"Era nga bwe batakkiriza kubeera na Katonda mu magezi gaabwe, Katonda Yabawaayo eri omwoyo ogutakkirizibwa, okukolanga ebitasaana."

Kirabikira ddala nti ekintu ekifaananako bwe kityo kituukiridde. Abantu baabano abagamba nti ba Katonda era bamanyi Katonda era balina Omwoyo We Omutukuvu, so nga bali bwerefere bamuzibe ate nga tebakimanyi. BAALIMBIBWA DDA. OMWOYO GWE BALINA GWE MUKYAMU. ABALONDE TEBAYINZA KULIMBIBWA, NAYE KYERAGIRA DDALA NTI BANO ABALALA BALIMBIDDWA. Bano b'ebu abazibye amaaso kubanga baagaana Ekigambo kya Katonda. Bano b'ebu abeyambulidde ddala olw'okuleka okulabirirwa kwa Katonda n'obukuumi Bwe ne bagezaako okwezimbira ekkubo eryabwe ku bwabwe ery'obulokozi, omunaala gwabwe ogwa Baberi nga bayita mu bibiina.

Oh, nga balabika bulungi mu byambalo byabwe bo bwe beeraba era ne mu nkunngaana zaabwe, ne mu nkiiko zaabwe, n'ebirala. Naye kaakano Katonda byonna Abiggyawo era bali bukunya, kubanga ebibiina bino bibatutte butwazi mu lusiisira Iw'omulabe wa Kristo, mu nnimiro z'enngaano ey'omu nsiko, okubatuusiza ddala ku kusibibwa kwabwe n'okwokebwa. Bafuuse abantu abasaasirwa. Ddala, basaasire, balabule, beegayirire naye era beeyongerayo ne beesogga mu kuzikirira, mu busungu baziyyiza amakubo gonna ag'okubalokola kubanga balambiddwa kuzikirira. Ddala banaku, ate nga tebakimanyi. Batamiiridde ddala obutasigalamu ssuubi, beenyimiririza mu ekyo

ekibaswaliza ddala obuswaza. Banyooma Ekigambo so nga luliba lumu Kiribasalira omusango era basasulire okulumirizibwa kwakyo okw'ekitalo.

Okubuulirira Okusembayo Eri Emirembe

Okubikkulirwa 3:18-19,

"Nkuweerera amagezi okugula gye Ndi ezaabu eyalongoosebwa mu muliro, olyoke ogaggawale, n'engoye enjeru, olyoke oyambale, era ensonyi ez'obwereere bwo zireme okulabika; n'eddagala ery'okusiiga ku maaso go, olyoke olabe."

Nze bona be Njagala Mbanenya era Mbabuulirira: kale nnyiikira weenenye."

Okubuulirira kwa Katonda kuli mu bufunze. Kutuukira ku nsong. Ekkanisa ey'ennaku zino ezisembayo Agirunngamya eri essuubi limu. Essuubi eryo Ye Ye MWENE. Agamba, "Mujje gye Ndi mugule." Kyeraga lwatu okusinziira ku njogera eno "mugule gye Ndi" nti ekkanisa ya Lawodikiya tekolaganako ne Yesu mu bintu by'Omwoyo eby'Obwakabaka bwa Katonda. Emirimu gyabwe tegiyinza kuba gya Mwoyo. Bayinza okulowooza nti ba Mwoyo, naye bayinza batya okuba? Emirimu egiri wakati mu bo mu buli ngeri tegiri nga Pawulo bwe yandigambye, "Katonda y'Akoza mu mmwe okwagala n'okukola olw'okusiima Kwe okulungi." Abafiripi 2:13. Kati olwo ate go amakanisa gano gonna, amasomero, amalwaliro, emirimu gy'abaminsani, n'ebirala? Katonda tabiriimu n'akatono kasita biba nga bya nsigo era mwoyo gwa ddiini, etali Nsigo era Omwoyo wa Katonda.

"Mugule gye Ndi, ezaabu eyalongoosebwa mu muliro, olyoke ogaggawale."

Abantu bano kati baalina zaabu mungi nnyo, naye yali wa kika kibi. Yali zaabu eyagula obulamu bw'abantu era n'abuzikiriza. Y'ezabu eyakyamya era n'azinngamya empisa z'obuntu, kubanga okumwagala gwe mulandira gw'ebyonoono byonna.

Okubikkulirwa 18:1-14,

"Oluvannyuma lw'ebyo ne ndaba malayika omulala ng'akka okuva mu ggulu, ng'alina obuyinza bungi, n'ensi n'emulisibwa ekitiibwa kye.

N'ayogerera waggulu n'eddoboozi ery'amaanyi, ng'ayogera nti Kigudde, kigudde Babulooni ekinene, ne kifuuka ekisulo kya balubaale, n'ekkomera erya buli ddayimooni, n'ekkomera erya buli nnyonnyi embi ekyayibwa.

Kubanga olw'omwenge gw'obusungu bw'obwenzi bwe amawanga gonna gaggudde; ne bakabaka b'ensi ne bayenda naye n'abatunzi b'ensi ne bagaggawala olw'amaanyi g'obukaba bwe.

Ne mpulira eddoboozi eddala eriva mu ggulu, nga lyogera nti Mukifulumemu, abantu Bange, muleme okussa ekimu n'ebibi bye era muleme okuweebwa ku bibonyoobonyo bye. Kubanga ebibi bye bituuse mu ggulu, era Katonda Ajjukidde ebyonoono bye.

Mumusasule oyo nga naye bwe yasasula, era mumwongerekemirundi ebiri ng'ebikolwa bye bwe byali: mu kikompe kye yatabula mumutabulire emirundi ebiri.

Nga bwe yeegulumiza n'akabawala, mu muwe bwe mutyo okubonaabona n'okunakuwala; kubanga ayogera mu mutima gwe nti Ntudde nga kabaka, so ssiri nnamwandu, so ssiriraba nnaku n'akatono.

Kye biriva bijja mu lunaku olumu ebibonyoobonyo bye, okufa, n'ennaku, n'enjala; era alyokerwa ddala omuliro; kubanga Mukama Katonda wa maanyi eyamusalira omusango.

Era bakabaka b'ensi, abayenda ne bakabawala naye, balikaaba balikuba ebiwoobe ku lulwe, bwe baliraba omukka ogw'okwokebwa kwe,

nga bayimiridde wala olw'entiisa ey'okubonaabona kwe, nga boogera nti zikisanze, zikisanze, ekibuga ekinene Babulooni, ekibuga eky'amaanyi kubanga mu ssaawa emu omusango gwo gutuuse.

N'abatunzi ab'omu nsi bakaaba banakuwala ku lulwe kubanga tewali muntu akyagula obuguzi bwabwe;

obuguzi, obwa zaabu, ne ffeeza, n'amayinja ag'omuwendo, ne luulu, ne bafuta ennungi, n'olugoye olw'effulungu, ne aliiiri, n'olugoye olumyufu; na buli muti ogw'omugavu, na buli kintu eky'essanga, na buli kintu eky'omuti ogw'omuwendo omungi ennyo, n'eky'ekikomo, n'eky'ekyuma, n'eky'ejjinja eddungi;

n'ekyakaloosa, n'ebinzaali, n'obubaane, n'omuzigo gw'omugavu, n'envumbo, n'omwenge, n'amatuta, n'obutta obulungi, n'enngaano, n'ente n'endiga; n'obuguzi bw'embalaasi n'amagaali n'abaddu; n'emyoyo gy'abantu.

N'ebibala omwoyo gwo bye gwegomba bikuvuddeko, n'ebintu byonna ebiwooma

n'ebirungi bikuvuddeko, so tebakyabiraba nate."

Gano gennyini ge makanisa ag'ebibiina mu nnaku ezisembayo, kubanga kigamba mu lunyiriri 4 "Mukifulumemu MMWE ABANTU BANGE" Okukwakkulibwa tekunnabeerawo. Omugole tannagenda embeera zino embi ennyo mu kkanisa eno ey'obulimba engagga, nga wezibeererawo.

Naye, waliwo zaabu wa Katonda. 1 Peetero 1:7.

"Okugezebw kw'okukkiriza kwammwe okusinga omuwendo ezaabu eggwaawo"

Zaabu wa Katonda z'empisa ezifaanana ng'eza Kristo ezijja nga ziyyita mu kikoomi ky'okubonaabona. Ekyo ky'ekika kya zaabu ekituufu.

Naye zaabu wa kika ki ekkanisa gw'erina leero? Zaabu gw'erina y'oyo ow'ensi ajja okuzikirira. Ngagga. Ematidde ewulira nti tekyetaaga. Obugagga bw'efudde minzaani y'ebintu by'omwoyo. Bw'efudde ekiraga nti waliwo emikisa gya Katonda n'obutuufu bw'enjigiriza, n'ebirala babiesigamya ku bagagga abangi ababyenyigiddemu.

"Muyingire ng'obudde tebunnayita," bw'Ayogera Mukama, "mugule gye Ndi zaabu egezesedwa mu muliro olwo munaabeera n'obugagga obutuufu." Tukitegeera? Mumpulirize, "Twajja bwereere (mu mubiri) mu nsi naye TETULIVAAAMU bwereere (mu by'omwoyo)" Ohm, nedda, tugenda kubaako kye tugenda nakyo. Ekintu ekyo, bye BYONNA bye tuyinza okugenda nabyo, tekyeyongerako ate tekikendeerako. Kale twegenderereze ddala okulaba nti tubaako kye tutwala ekiritufuula abalongoofu mu maaso ga Katonda. Kale, olwo, tunaatwala ki? Tujja kutwala EMPISA zaffe, ow'oluganda, ekyo kye tuligenda nakyo. Kati ggwe mpisa ki zooligenda nazo? Ziriba NG'EZIZE ezo ze Yafuna okuyita mu kubonaabona mu kikoomi ky'omuliro eky'okunyigirizibwa, ova buliba bugonvu bw'abantu bano aba Lawodikiya abatalina mpisa. Kiri eri buli omu ku ffe kubanga ku lunaku olwo buli muntu alyetikka omugugu gwe ye.

Kati, nnagambye nti ekibuga kya Lawodikiya kyalil kibuga kigagga. Kyalina ssente ezaaweesewa mu zaabu nga ziwandiikkidwako ku njuuyi zombi. Ssente za zaabu zaali ziraga omulembe — obusuubuzi bwakulaakulana lw'ekyo. Leero, ssente ya zaabu ey'emitwe ebiri tugirina. Twegula era twetunda. Mu kkanisa, tugezaako okutuukiriza ekintu kye kimu. Twegula okuva mu kibi ne twegula okugenda mu ggulu — ova bwe tutyo bwe tugamba. Naye Katonda bw'Atyo si bw'Agamba.

Ekkanisa erina obugagga obusamaaliriza n'eba nti ekiseera kyonna esobola okweddiza enkola yonna ey'obusuubuzi mu nsi yonna era ddala omukulembeze omu mu kakiiko akagatta amakanisa gonna mu nsi mu Iwatu yalagula nti ekkanisa mu kiseera ekitali ky'ewala eteekwa, esobola, era ejja kukola ekyo kyenniyini. Naye omunaala gwabwe Baberi ogwa zaabu guligwa. Zaabu yokka egezesedwa mu muliro y'erisigalawo.

Era ekyo ekkanisa ky'ebadde ekola olubeerera mu mirembe gyonna. Evudde ku Kigambo kya Katonda n'etwala ebikwate byayo n'ebiragiyo byayo; yeegasse ku nsi. Kale ali bwereere, era Katonda obugwenyufu bwe Abusalira omusango. Engeri yokka gy'eyinza okuva mu mbeera eno ey'entisa kwe kugondera Mukama n'ekomawo eri Ekigambo Kye.

Okubikkulirwa 18:4,

"Mukifulumemu mmwe abantu bange."

2 Abakkolinso 6:14-18,

"Temwegattanga na batakkiriza kubanga temwenkanankana: kubanga obutuukirivu n'obujeemu bugabana butya? ova omusana gussa kimu gutya n'ekizikiza?"

Era Kristo Atabagana atya ne Beriyali? Oba mugabo ki eri omukkiriza n'atali mukkiriza?

Era yeekaalu ya Katonda yeegatta etya n'ebifaananyi? Kubanga ffe tuli yeekaalu ya Katonda omulamu; nga Katonda bwe Yayogera nti Nnaabeeranga mu bo, ne Ntambuliranga mu bo; Nange Nnaabeeranga Katonda waabwe, nabo banaabeeranga bantu Bange.

Kale Muve wakati w'abo, mweyawule, bw'Ayogera Mukama, so temukomanga ku kintu ekitali kirongoofu; Nange Ndibasembeza

Era Nnaabeeranga Kitammwe gye muli, Nammwe munaabeeranga gye Ndi abaana ab'obulenzi n'abaana ab'obuwala bw'Ayogera Mukama Omuyinza w'Ebintu Byonna."

Waliwo omuwendo ogw'okusasulira ebyambalo ebyo, era omuwendo ogwo kwe kwawukana.

"N'eddagala ery'okusiiga ku maaso, go olyoke olabe."

Tagamba nti olina okugula eddagala lino ery'okusiiga ku maaso go. Oh nedda. Tewali muwendo guteekeddwa ku Mwoyo Omutukuvu.

"Mwaweebwa Omwoyo Iwa bikolwa bya mateeka nantiki Iwa kuwuliriza kwa kukkiriza?"

Abaggalatiya 3:2.

Awatali Kubatizibwa n'Omwoyo Omutukuvu, amaaso go tegasobola kuzibuka kulaba kubikkulirwa okw'omu Mwoyo okutuufu okw'Ekigambo. Omuntu atalina Mwoyo Oyo aba muzibe eri Katonda n'amazima Ge.

Bwe ndowooza ku ddagala lino ery'okusiiga ku maaso okuzibula amaaso g'abantu, siyinza kwewala kujjukira nga nkyali kalensi mu Kentucky. Twasulanga ne muganda wange mu kasenge ak'omu kalina ku kafaliso ak'essubi. Empewo yayitanga mu njatika z'ebisenge. Oluusi mu butiti obunnyogovu bwayitiriranga nnyo ne tuzuukuka ku makya nga tulina ebinyinyi amaaso gaffe ne gaba nga geekutte nga n'okuzimba gazimbye. Twakaabriranga maama, n'asituka n'ajja n'akawero akabuguma n'akannyika mu bizigo n'asiimula amaaso gaffe okutuusa obujonjo nga buvuddeko, olwo ne tusobola okulaba.

Mumanyi wabaddewo empewo ennyinyogovu ennyo ng'efuuwa ekkanisa mu mulembe guno, era ndi mweraliikirivu amaaso gaayo galinga agazibye olw'obunnyogovu era teraba kiki Katonda ky'Alina gy'eri. Yeetaaga amafuta g'Omwoyo wa Katonda agookya okuzibula amaaso gaayo. Okuggyako ng'efunye Omwoyo wa Katonda ejja kugenda mu maaso ng'essaawo entegeka mu kifo eky'amaanyi n'ebikwate mu kifo ky'Ekigambo. Emiwendo yo gy'ebala ng'okukulaakulana, mu kifo ky'okunoonya ebibala. Abakugu mu kusomerera okw'ebi'eddiini baggadewo oluggi eri okukkiriza ne baziyya bona okuyingira. Bo bennyini tebayingira wadde okukkiriza abalala okuyingira. Okusomerera kwabwe okw'ebi'eddiini bakujja mu kitabo ekitegeke (text book) nga kikwata ku by'endowooza y'abantu ekyawandiikibwa atali mukkiriza. Waliwo ekitabo ekitegeke ekikwata ku by'endowooza y'abantu, ekyo ffenna kye twetaaga: ye Bayibuli. Kyawandiikibwa Katonda era kirimu enjigiriza ya Katonda ku by'endowooza y'abantu. Teweetaaga mukugu yenna kukikunyonyolako. Funa Omwoyo Omutukuvu omuleke Akunnyonyole. Ye Yawandiika Ekitabo era Asobola okukubuulira kiki ekikirimu ne kye kitegeesa.

1 Abakkolinso 2:9-16,

"Naye nga bwe kyawandiikibwa nti Eriiso bye litalabangako, n'okutu bye kutawuliranga, N'ebitayingiranga mu mutima gwa muntu, Byonna Katonda bye Yategekera abamwagala.

Naye ffe Katonda Yatubikkulira ku bw'Omwoyo: kubanga Omwoyo Anoonya byonna ebya Katonda.

Kubanga muntu ki ategeera eby'omuntu wabula omwoyo gw'omuntu oguli mu ye? Era bwe kityo n'ebya Katonda siwali abitegeera wabula Omwoyo wa Katonda.

Naye ffe tetwaweebwa mwoyo gwa nsi, wabula omwoyo oguva eri Katonda, tulyoke tutegeerenga Katonda by'Atuwa obuwa.

N'okwogera twogera ebyo, si mu bigambo amagezi g'abantu bye gayigiriza wabula Omwoyo by'Ayigiriza; bwe tugeraageranya eby'omwoyo n'ebi'omwoyo.

Naye omuntu ow'omukka obukka takkiriza bya Mwoyo gwa Katonda; kubanga bya busirusiru gy'ali; era tayinza kubitegeera, kubanga bikeberwa na mwoyo. Nayemuntu ow'omu mwoyo akebera byonna, naye ye yennyini takeberwa muntu yenna

. Kubanga ani eyali ategedde okulowoza kwa Mukama waffe, alyoke amuyigirize? Nayemffe tulina okulowoza kwa Kristo."

Kati oba ng'ebintu byonna ebikaabya Omwoyo by'ebyo ebiriwo ddala mu mulembe guno, twetaagayo omuntu aveeyo alabike nga Yokaana Omubatiza asoomooze ekkanisa okusinga bwe kyali kibadde. Era ekyo kyennyini kye kijja okubaawo mu mulembe gwaffe. Yokaana Omubatiza omulala ajja era ajja kwogerera waggulu ddala ng'omuteseesi eyasooka. Tumanyi nti alikikola okusinziira ku lunyiriri oluddirira kye lugamba.

"Nze bona be Njagala Mbanenya, era Mbabuulirira; kale nyikira weenenye."

Okubikkulirwa 3:19.

Obubaka bunu bwe bumu nga Yokaana bwe yalina ng'ayogerera waggulu mu lukoola olwo olw'eddiini y'Abafulisaayo, Abasaddukaayo, n'abakaafiiri, "MWENENYE!" Tewaaliwo

kkubo ddala lyonna; tewaaliwo ngeri ndala yonna okuddayo eri Katonda era tewaliwo ngeri ndala yonna na kati. Engeri eyo eri WEENENYE. Kyusa omutima gwo. Kyukira ddala. WEENENYE, kiki ekikussa?

Ka tusooke twekenneenyen jogera esooka, "bonna be Njagala." Mu Luyonaani essira liri ku nnakasigirwa ey'obuntu "Nze." Tagamba ng'abangi bwe bawulira nti bwe Yandyogedde, "bonna abanjagala." Nedda ssebo. Tetuteekwa kugezaako kufuula Yesu EKINTU ekyagalibwa mu buntu mu lunyiriri luno. Nedda! Abo ABANGI b'ebu ABAAGALIBWA KATONDA. Okwagala OKUKWE, kwe kwogerwako, so SI okwaffe.

Kale nate twesanga nga twenayumiririza mu bulokozi Bwe, ekigendererwa Kye n'entegeka Ye, era twongera okunywezebw ne mu mazima ag'enjigiriza y'obuyinza bwa Katonda obw'oku Ntikko. Era nga bwe Yagamba mu Abaruumi. 9:13, "Yakobo Nnamwagala." Kati kiri nti okuva lwe Yayagala abo BOKKA ABANGI, n'olw'ekyo Amatidde Takyetaaga, Alindiridde okwagala kw'abo abatannamuseemberera? Si bwe kiri n'akatono, kubanga mu Abaruumi 9:13, Yalangirira, "Esawu Nnamukyawa." Era mu lunyiriri 11 Omwoyo Akoowoola n'obuvumu, "Kubanga nga tebannazaalibwa, so nga tebannakola kirungi oba kibi, OKUTEESA KWA KATONDA MU KULONDA KULYOKE KUNYWERE, si lwa bikolwa wabula ku bw'Oyo Ayita." Okwagala kuno kwe "Kwagala okwo Okulonda." Kwe kwagala Kwe okw'abalonde Be. Era okwagala Kwe gye bali kwa njawulo okuva ku BISAANYIZO EBY'ABANTU kubanga kigamba nti ekigendererwa kya Katonda kiri mu kulonda nga ekyo kikontanira ddala n'ebikolwa oba ekintu ekirala kyonna ekiri mu muntu. Kubanga "ABAANA NGA TEBANNAZAALIBWA" Yali AMAZE okugamba, "Yakobo Nnamwagala, naye Esawu Nnamukyawa".

Era kati Ayogera eri Ababe, "Bonna be Njagala MBANENYA ERA MBAKANGAVVULA." Okunensa kwe kugolola. Okugolola kwe 'kuggyayo ensobi ng'ekigendererwa kugolola.' Okukangavvula tekitegeeza kubonereza. Kitegeeza "kugolola mpisa kubanga okulongoosa oyo gwe kikwatako kye kiba ekigendererwa." Kino kyennyini kye tusanga mu Abaebbulaniya 12:5-11,

"Era mwerabidde ekigambo ekibuulirira, ekyogera nammwe ng'abaana nti Mwana Wange, tonyoomanga kukangavvula kwa Mukama, so toddiriranga bw'Akunenyanga;

Kubanga Mukama gw'Ayagala Amukangavvula, Era Akuba buli mwana gw'Akkiriza.

Olw'okukangavvulwa kye munaavanga mugumiikiriza; Katonda abakola ng'abaana; kuba mwana ki kitaawe gw'atakangavvula?

Naye bwe munaabeeranga awatali kukangavvulwa, okugwana okututuukako ffenna, muli beeboolereze, so si baana.

Nate twalina bakitaffe ab'omubiri gwaffe abaatukangavvulanga, ne tubassangamu ekitiibwa: tetulisinga nnyo okugonderanga Kitaawe w'emyoyo, ne tuba abalamu?

Kubanga baatukangavvula olw'okutugasa, tulyoke tufune omugabo ku butukuvu Bwe.

Okukangavvulwa kwonna mu biro ebya kaakano tekufaanana nga kwa ssanyu wabula kwa nnaku: naye oluvannyuma kubala ebibala eby'emirembe eri abo abayigirizibwa mu kwo, bye by'obutuukirivu."

Mu bino mwe mulagiddwa okwagala kwa Katonda. Mu kwagala Yeegomba okuba n'ekika ekikye, ekika eky'abaana — abaana abamuafaanana Ye. Awo mu maaso Ge waliwo abantu bona ng'ekitole EKIMU eky'ebbumba. Mu kitole ekyo kye kimu Ajja kubumbamu ebibya eby'ekitiibwa n'ebiyensonyi. OKULONDA kwo kuliba Kukwe. Olwo abo abalonde, abazaalibwa Omwoyo Gwe balitendekebwa bafaanane ekifaananyi Kye mu nneyisa yaabwe. ABAGOLOLA n'obugumiikiriza bwonna n'obukkakkamu n'okusaasira. AKANGAVVULA n'emikono Gye omuli enkovu ez'enninga. Oluusi Omubumbi ono Addira ky'Akolako n'Akimenyera ddala Asobole okuddamu okukibumba nate ddala nga bw'Ayagala kibe. NAYE KUBA KWAGALA. OKWO KWAGALA KWE. TEWALI NGERI NDALA YA KWAGALA KWE. TEYINZA KUBAAYO.

Oh, mmwe ekisibo ekitono, temutya. Omulembe guno guggwaako mangu. Nga guggwaako enngaano ey'omu nsiko ejja kusibibwa wamu, ng'omugwa ogwa wuzi essatu bwe gutakutuka mangu, bajja kuba n'amaanyi ag'ekitalo ga ngeri ssatu mu by'obufuzi, eby'omubiri, ne mu by'amaanyi g'omu mwoyo (ebya setaani), era balinoonya okuzikiriza omugole wa Kristo. Alibonaabona, naye Aliguma. Temutya bintu ebyo ebijja okubeera ku nsi, kubanga Oyo "Eyayagala ababe, abaagala okutuusa ku nkomerero." Yokaana 13:1.

"Nyiikira weenenye." Kati ekkanisa eno ey'obulimba erina obuniyiikivu; tokola ensobi ku ekyo. Obuniyiikivu bwayo bwe bwo bwenyini ddala obw'Abayudaaya,

Yokaana 2:17,

"Obuggyga bw'ennyumba yo bulindya."

Wabula buniikivu bukyamu. Bunyikivu Iwa nnyumba ya kizimbe kyabwe. Buliwo Iwa bikwate byabwe, ebiragiro, ebibiina, n'obutuukirivu bwabwe. Ekigambo bakisudde ebweru olw'endowooza zaabwe bennyini. Omwoyo Omutukuvu baamumaamulako ne bafuula abantu abakulembeze. Obulamu Obutaggwaawo babutadde ku mabbali ng'omuntu, ne bateekawo ebikolwa ebirungi, oba n'okugendera ku by'ekkanisa so si ku mirimu emirungi.

Naye Katonda Ayagala obunyiikivu obulala. Bwe buniikivu okwogerera waggulu "Ndi MUKYAMU." Kati ani agenda okwogera nti mukyamu? Kiki amadiini gano gonna kye geesigamyeyo? — okweyita agaasookawo, era aga Katonda, — okweyita nti batuufu. Kati BONNA tebasobola kuba batuufu. Mu butuufu TEWALI N'EMU ku zo ntuuufu. Bo ge malaalo agasiigiddwa langi enjeru, agajjudde amagumba g'abafu. Tegalina bulamu. Tegakakasibwanga. Katonda Teyeyolekerangako mu kibiina kyonna. Bagamba nti batuufu kubanga bo bennyini be bakyogera, naye okukyogera tekukifuala kituufu. Beetaaga okukakasibwa okwa Katonda "Bw'Atyo bw'Ayogera Mukama," era tebakulina.

Kati wano ka njogere kino. Ssikkiriza nti Katonda Ayita kkanisa yokka ey'obulimba okwenenya. Mu lunyiriri luno Ayogera eri abalonde Be. Nabo, balina we bateekwa okwenenya. Bangi ku baana Be bakyali mu makanisa ago ag'obulimba. B'ebu aboogerwako mu Abaefeso 5:14, "Zuukuka, ggwe eyeebase, ozuukire mu bafu, Kristo Anaakkwakira." Okwebaka tekuba kufa. Bano beebakidde mu bafu. Bali eyo ebweru mu madiini amafu. Baseeyeyera wamu. Katonda Ayogerera waggulu, "ZUUKUKA! Weenenye obusirusiru bwo." Wano bawaayo obusobozi bwabwe, ebiseera byabwe, ssente zaabwe, mu butuufu n'obulamu bwabwe bwennyini eri ebibiina bino eby'omulabe wa Kristo, mu kiseera kyonna nga balowooza nti byonna bituufu. Bateekwa okwenenya. Beetaaga endowooza zaabwe okukyusibwa n'okukyuka badde eri amazima.

Ddala, guno gwe mulembe ogusingira ddala okwetaaga okwenenya. Naye gunaakikola? Gunaakomyawo Ekigambo? Gunaddamu okuteeka Omwoyo Omutukuvu Afuge mu bulamu bw'abantu? Gunaddamu okuwa Yesu ekitiibwa ng'Omulokozi YEKKA? Nze nngamba nti nedda, kubanga olunyiriri oluddirira lubikkula amazima ageewuunyisa era ageesiwaza ku bikwata ku nkomerero y'omulembe guno.

Kristo Ebweru W'ekkanisa

Okubikkulirwa 3:20:-22,

"Laba, Nnyimiridde ku luggi, Nneeyanjula: omuntu yenna bw'awulira eddoboozi Lyange, n'aggulawo oluggi, Nnaayingira gy'ali era Nnaalira wamu naye, naye Nange.

Awangula Ndimuwa okutuula awamu Nange ku ntebe Yange ey'obwakabaka, era nga Nange bwe Nnawangula, ne Ntuula wamu ne Kitange ku ntebe Ye ey'obwakabaka.

Alina okutu awulire Omwoyo ky'Agamba ekkanisa."

Kati waliwo omuvuyo mungi nnyo ku lunyiriri luno kubanga abakozi bangi nnyo kinnoomu abalukozesa nga buli omu abuulira nga kiringa ekitegeeza nti Yesu Yali ku luggi Iwa buli mwonoonyi ng'Akonkona Aggulirwewo. Olwo kyandigambiddwa nti singa omwonoonyi aggulawo oluggi, Mukama Yandiyigidde. Naye olunyiriri luno terwogera ku mwonoonyi kinnoomu. Obubaka buno mu bulamba bulina obufunze ng'obubaka bwonna mu buli mulembe. Mu lunyiriri 22 kigamba, "Alina okutu awulire Omwoyo ky'Agamba eri AMAKANISA." Kale buno bwe bubaka eri ekkanisa ey'omulembe ogusembayo. Eno y'embeera y'ekkanisa ya Lawodikiya ng'enkomerero yaayo esembera. Si bubaka eri omuntu kinnoomu; "Omwovo y'Atubuulira wa Yesu w'Ali. KRISTO EKKANISA AGIVUDDEMU.

Kino si kye kirina okuddirira oba okuvaamu Ekigambo bwe kitekeebwa ku bbali ne wazzibwawo ebikwate, Omwoyo Omutukuvu n'Amaamulwako ne wazzibwawo bappaapa, abalabirizi, bapulezidenti, abawi b'amagezi, n'ebirala, n'Omulokozi n'Ateekeebwa ku bbali olw'entegeka z'emirimu, oba okwegatta ku makanisa, oba okwekkiriranya okw'engeri yonna n'enkola y'ekkanisa? Kiki ekirala ekiyinza okumulwanyisa okusingako? Kuno kwe kugwa okuva ku mazima! Kuno kwe kwawukana! Luno lwe luggi oluggule eri omulabe wa Kristo, kubanga bwe wabaawo Ajja mu Linnya lya Kitaffe (Yesu) n'Atasembezebwaa, wabula n'Agaanibwa, olwo waba wajjawo omulala n'erinnya eriryre ku bubwe (omulimba, munnanfuusi) oyo balimusembeza, Yokaana 5:43. Omuntu ow'ekibi, omwana oyo ow'okubula agenda kufuga.

Matayo 24, kyogera ku bubonero mu ggulu obukwata ku nnaku ezisembayo nga Yesu Tannajja. Nneewuunya oba mwalaba akabonero ng'ako gye buvuddeko akaatuukirira okulaga ekifaananyi eky'amazima gennyini ge tubadde twogerako. Amazima ago gali nti Yesu Abadde Asindiikirizibwanga ebbali okutuusa mu mulembe ogusembayo Iw'Afulumiziddwa mu kkanisa. Mujjukire nti mu mulembe ogwasooka ekkanisa yonna yali yeetooloddwa amazima. So nga mwalimu ensobi entono eyitibwa ebikolwa by'Abanikolayiti ebyalemesa enkulungo okuba ennamba. Olwo mu mulembe ogwaddirira enzikiza ne yeeyongera okuyingira okutuusa ekitangaala Iwe kyakendeera enzikiza ne yeeyongera mu nkulungo. Mu mulembe ogwokusatu enzikiza yeeyongera okukwata, ne mu mulembe ogwokuna Omulembe gw'enzikiza, ekitangaala kumpi kyonna kyali kiweddemu.

Kati kino mukirowoozeeko. Ekkanisa eyaka olw'ekitangaala ekiva ku Kristo. Ye Y'ENJUBA. Ekkanisa gwe MWEZI. Kale enkulungo eno ey'ekitangaala gwe mwezi. Gwali gukendeeredde ddala nga tegukyali mwezi mulamba mu mulembe ogwasooka, ne gusigala kibajjo bubajjo mu mulembe ogwokuna. Naye mu gwokutaano ne gutandika okukula. Mu gwomukaaga keyyongerako eddaala ddene okukula. Mu kitundu eky'omulembe ogwomusanvu kaali kakyakula, amangu ddala ne kalekera awo, ne kakendeerera ddala kumpi kuggwaawo, kale mu kifo ky'ekitangaala kyali kizikiza kya kugwa, era ku nkomerero y'omulembe gwali guzikidde kubanga ekizikiza kyali kibuutikidde. Mu kiseera kino Kristo Yali bweru wa kkanisa.

Akabonero kaakano mu bire. Ekizikiza ky'omwezi kyali kijjuvu. Gwazikirira ddala mu mitendera musanvu. Mu mutendera ogwomusanvu, ekizikiza ekijjuvu kyabeerawo Ppaapa w'e Rooma (Pawulo owoomukaaga) bwe yagenda mu Nsi Entukuvu okulamaga mu Yerusaalemi. Ye ppaapa eyasookera ddala okugenda e Yerusaalemi. Ppaapa oyo ayitibwa Pawulo owoomukaaga. Pawulo ye mubaka eyasooka ate n'omuntu ono ayitibwa linnya eryo. Mulabe nga bw'ali owoomukaaga, oba omuwendo gw'omuntu. Eno si ntaanya. Era bwe yagenda e Yerusaalemi, omwezi oba ekkanisa yayingira mu kizikiza kyennyini. Y'eno. Eno y'enkomerero. Omulembe guno teguliggwaawo okutuusa nga byonna bituukiridde. Era Mukama Yesu, jjangu mangu!

Tusobola okulaba kati Iwaki waaliwo emizabbibbu ebiri, ogw'obulimba ng'ate omulala gw'amazima. Kati tusobola okulaba Ibulayimu Iwaki yalina abaana babiri, ng'omu wa mubiri (eyayigganya Isaaka) ate ng'omulala yali wa kisuubizo. Kati tusobola okulaba kyajja kitya abaana ababiri nga balongo okuzaalibwa abazadde be bamu, ng'omu amanyi era ng'ayagala ebintu bya Katonda, ate ng'omulala amanyi bingi ku mazima ge gamu, naye ng'omwoyo si gwe gumu, n'olw'ekyo n'ayigganya omwana oyo eyali omulonde. Katonda obutasiima Teyamala gabukola. Teyasiima nga kino Yakikola ku Iwa bulungi bwa mulonde. OMULONDE TAYINZA kuyigganya mulonde. OMULONDE TAYINZA kulunya mulonde. Abatasiimbwa be bayigganya era be bazikiriza abalone. Oh, abatasiimbwa abo babeera bannaddiini nnyo. Babeera bagezi. Bali mu lunyiriri Iwa Kayini, ezzadde ly'omusota. Bazimba Baberi zaabwe, bazimba ebibuga byabwe, bazimba obwakabaka bwabwe, era mu kiseera kye kimu basaba Katonda. Bakyawa ensigo (ezzadde) ey'amazima, era bajja kukola kyonna kye basobola, (ne mu Linnya Iya Mukama) okuzikiriza abalone ba Katonda. Naye beetaagibwa. "Ebisusunku birina mugaso ki ku ngaano?" Awatali bisusunku, tewali ngaano. Naye ku nkomerero, ebisusunku bikolebwa bitya? Byokebwa n'omuliro ogutazikira. Ate yo enngaano? Eri ludda wa? Ekunngaanyizibwa mu materekero Ge. Eri awo w'Ali.

Oh abalone ba Katonda, mwerinde. Mwekenneenyeye tuyige. Mwegendereze. Mutuukirizenga obulokozi bwammwe mu kutya ne mu kukankana. Mwesigame ku Katonda mube bagumu mu maanyi Ge. Omulabe wammwe, setaani, kaakano ayitayita ng'empologoma ewuluguma ng'enoonya gw'enaalya. Mwekuume mu kusaba mube bagumu. Kino ky'ekiseera eky'oluvannyuma. Emizabbibbu gyombi ogw'amazima n'ogw'obulimba ginaatera okukulira ddala naye ng'enngaano tennakulira ddala eyo ey'omu nsiko eyengedde eteekwa okusibibwa olw'okwokebwa. Mulabe, bona beegatta ku kibiina ekigatta amakanisa gonna mu Nsi (World Council Of Churches). Okwo kwe kusiba. Mangu ddala okuteekeka enngaano ennungi mu tterekero kujja kutuuka. Naye mu kiseera kino kyennyini emyoyo gyombi gikolera mu mizabbibbu gyombi. Muveemu mu nngaano ey'omu nsiko. Mutandike okuwangula mulyoke mube abasaanidde okusiimibwa ku Iwa Mukama wammwe, era abasaanidde okufugira awamu naye mu Bwakabaka Bwe.

Okubikkulirrwaa 3:21,

"Awangula Ndimuwa okutuula awamu Nange ku ntebe Yange ey'obwakabaka, era nga Nange bwe Nnawangula, ne Ntuula wamu ne Kitange ku ntebe Ye ey'obwakabaka."

Kati kiki kye tuteekwa okuwangula? Ekyo ky'ekibuuozo bulijjo ekirina okubuuzibwa wano. Naye ogwo si gwe mulamwa mu lunyiriri luno kubanga ekikulu ennyo si EKYO KYE TUGENDA okuwangula wabula ENGERI gye tugenda OKUWANGULAMU. Kati kino kituufu Iwa nsonga nti kyetaagisa okumanya KIKI kye tugenda okuwangula kasita tuba nga tumanyi ENGERI gye tuyinza okuwangulamu?

Okuyisa amaaso mu Byawandiikibwa ebyo ebyogera ku Mukama Yesu ng'Awangula kija kulaga amazima ga kino ekyogeddwako. Mu Matayo 4, setaani we yakemera Yesu, Yesu Yawangula ebikemo bya Setaani yennyini ng'Akozesza Kigambo, era Iwa Kigambo kyokka. Mu buli kimu ku bigezo bino ebisatu ebikulu ebyakwataganira ddala n'okukemebwa kw'omu Lusuku Adeni, okwegomba kw'omubiri, okwegomba kw'amaaso, amalala g'obulamu, Yesu Yawangula ng'Akozesza Kigambo. Kaawa yagwa mu kikemo kya Setaani yennyini olw'okulemwa okukozesa Ekigambo. Adamu yagwa olw'okujeemera Ekigambo obutereevu. Naye Yesu Yawangula ng'Akozesza Kigambo. Era kati mu kiseera kino, ka nngambe nti eno y'engeri yokka ey'okuba omuwanguzi, era y'engeri yokka gy'oyinza okutegeeramu nti owangula, kubanga Ekigambo ekyo TEKIYINZA kulemwa.

Kati laba nate Yesu nga bwe Yawangula enkola z'ensi ez'amadiini. Enfunda nnyingi abaasomerera eby'eddiini mu nnaku Ze bwe baamutengezza nga bamubuuza, buli kiseera Yakozesanga Kigambo. Yayogeranga ekyo Kitaawe kye Yamuwanga okwogera. Tewaaliwo na mulundi wadde ogumu ensi Iw'etaatabuka olw'amagezi Ge kubanga gaali magezi ga Katonda.

Mu bulamu obubwe bwennyini, nga Yeefubako, Yawangula, olw'obuwulize eri Ekigambo kya Katonda.

Mu Abaebbulaniya 5:7 kigamba,

"Oyo mu nnaku ze Yabeereramu mu mubiri Gwe, bwe Yawaayo okwegayirira n'okusaba eri Oyo Eyayinza okumulokola mu kufa n'okukaaba ennyo n'amaziga era bwe Yawulirwa olw'okutya Kwe Katonda.

*newakubadde nga Mwana, naye yayiga okugonda olw'ebyo bye yabonaabona;
awo bwe yamala okutuukirizibwa, n'afuuka ensonga y'obulokozi obutaggwaawo eri abo bona abamuwulira;"*

Kiki kye Yagondera? Ekigambo kya Katonda.

Kati olwo, tewagenda kuba muntu n'omu alituula mu nnamulondo ya Mukama Yesu Kristo okuggyako ng'obulamu bwe bubadde butambulira mu Kigambo ekyo. Essaala zammwe, okusiiba kwammwe, okwenenya kwammwe — si nsonga ka kibe kiki ky'owaayo eri Katonda — ku byonna tewali kirikusobozesa kutuula mu nnamulondo eyo. Nga nnamulondo ya kabaka bw'egabanibwa awamu ne nnaabakyala kubanga agattiddwa ne kabaka, n'olw'ekyo abo bokka ab'Ekitambo era nga Ye bw'Ali ow'Ekitambo ekyo balituula ku nnamulondo.

Mujjukire tulagidde ddala bulungi okuyita mu mirembe gyonna nti nga Adamu ne Kaawa bwe baagwa olw'okuleka Ekigambo, era n'omulembe gwa Efeso bwe gutyo bwe gwagwa olw'okutabako katono okuva ku Kigambo, okutuusa buli mulembe Iwe gweyongera okuwaba, ku nkomerero Ekigambo ne kisambajibwa enkola y'ekkanisa mu Nsi Yonna (World Church System). Omulembe guno ogwa Lawodikiya guggweera mu kizikiza ky'Ekitambo ne kireetera Mukama okuvaawo mu makkati. Ayimiridde bweru Ayita ababe abamugoberera okuyita mu kugondera Ekigambo. Oluvannyuma Iw'okukola okw'Omwoyo okw'amaanyi era okumpi akabiina kano akayiggibwa era akayigganyizibwa kajja kugenda kabeere ne Yesu.

Okutuukirira Kw'emirembe Gy'abaamawanga

Omulembe guno gwe gusembayo mu mirembe omusanvu eg'yekkanisa. Ekyo ekyatandikira mu gwasooka oba omulembe gwa Efeso kirituuka okubalira ddala ebibala n'okukungulwa mu gusembayo oba Omulembe gwa Lawodikiya. Emizabbibu gyombi giribala ebibala byagyo ebisembayo. Emoyo gyombi girikomekkereza okweyleka kwagyo buli gumu mu kifo kyagwo eky'enkomerero. Okusiga, okufukirira, okukola byonna biwedde. Ekyeya kiweddeko. Akiwabyo kisuuliddwa mu makungula.

Mu nnyiriri olw'ekkumi n'ettaano akutuuka ku Iw'ekkumi n'omunaana ze twakayigako

mwe muli ekifaananyi ekituufu eky'omuzabbibu ogw'obulimba ogwengedde, omwoyo gw'obulimba, ekkanisa ey'abantu ab'obulimba. "Mmanyi ebikolwa byo, nga tonnyogoga so tobuguma; waakiri obe ng'onnyogoga ova obuguma. Bwe kityo kubanga olina ekibuguumirize, so tonnyogoga so tobuguma, Ndikusesema mu kamwa Kange. Kubanga oyogera nti Ndi mugagga, era ngaggawadde, so ssiriiko kye nneetaaga, so tomanyi ng'oli munaku ggwe era asaasirwa era omwavu era omuzibe w'amaaso era ali obwerefere: Nkuweerera amagezi okugula gye Ndi ezaabu eyalongoosebwa mu muliro, olyoke ogaggawale, n'engoye enjeru, olyoke oyambale, era ensonyi ez'obwerefere bwo zireme okulabika; n'eddagala ery'okusiiga ku maaso go, olyoke olabe." Tewali bigambo byali byasanguzza kuwemuukiriza okukaawa ng'ebyo, era tewabangawo banaddiini b'amalala era abeenyumiriza ababisaanira okusinga abo.

So nga mu lunyiriri olw'abiri mu olumu,

"Awangula Ndimuwa okutuula awamu Nange ku ntebe Yange ey'obwakabaka. Era nga Nange bwe Nnawangula ne Ntuula wamu ne Kitange ku ntebe Ye ey'obwakabaka,"

tulaba nti omuzabbibu ogw'amazima, n'Omwoyo ogw'amazima, n'abantu b'Ekklesia ey'amazima bagulumiziddwa okutuuka ku nnamulondo ya Katonda nga bawereeddwa okusiimibwa okusingayo okuba okwa waggulu okwali kuweereddwaa ekibiina ky'abantu abawombeefu era abanywevu mu by'Omwoyo

Ebigambo bya Yokaana Omubatiza eyalagira ddala Kristo mu kumugeraageranya ku kkanisa ey'amazima n'ey'obulimba kati bituukirira.

Matayo 3:11-12,

"Nze mbabatiza n'amazzi olw'okwenenya: naye Oyo Ajja ennyuma wange Ye Ansinga amaanyi sisaanira na kukwata ngato Ze. Oyo Alibabatiza n'Omwoyo Omukuku n'omuliro. Olugali Lwe luli mu mukono Gwe, naye Alirongoosa nnyo egguuliro Lye;

Alikunngaanyiza enngaano mu ggwanika, naye ebisusunku Alibyokya n'omuliro ogutazikira."

Kristo, Omukunguzi Omukulu, kaakano akungula ebibala by'ensi. Enngaano Agikunngaanyiza mu materekero ng'Akunngaanya ababe n'okubasembeza gy'Ali emirembe gyonna. Olwo n'Akomawo okuzikiriza aboonoonyi n'omuliro ogutazikira.

Ekyama ky'enngaano ey'omu nsiko n'enngaano ennungi ekiri mu Matayo 13:24-30, nakyo kaakati kituukirira.

"Awo n'Abaleetera olugero olulala n'Ayogera nti Obwakabaka obw'omu ggulu bufaananyizibwa n'omuntu eyasiga ensigo ennungi mu nnimiro ye:

naye abantu bwe baali beebase omulabe we n'ajja n'asigamu enngaano ey'omu nsiko mu nngaano ennungi, n'agenda.

Naye bwe yameruka, bwe yayanya, n'erabika n'enngaano ey'omu nsiko.

Abaddu be ne bajja ne bagamba omwami nti Ssebo, twasiga nsigo nnungi mu nnimiro yo? Kale yali etya okubaamu enngaano ey'omu nsiko?

N'abagamba nti Omulabe ye yakola atyo. Abaddu ne bamugamba nti Kale oyagala tugende tugikoolemu?

Naye n'agamba nti Nedda; mpozzi bwe munaaba mukoolamu enngaano ey'omu nsiko, munaggiramu n'enngaano yennyini.

Muleke bikule byombi bituuse amakungula. Mu biro eby'amakungula ndigamba abakunguzi nti Musooke mukunngaanye enngaano ey'omu nsiko, mugisibe emiganda eyokebwe: naye enngaano yennyini mugikunngaanyize mu ggwanika Lyange."

Enngaano ennungi n'enngaano ey'omu nsiko, ekulidde awamu okuvira ddala mu mulembe ogwasooka okutuusa kati, ekungulibwa. Ekyo Nikyeya kye yategeka okutuukiriza kimaze ne kituukirira. N'amaanyi ag'ebibiina gonna ekkanisa ey'obulimba eva ku buufu bwonna obw'amazima era ng'ekozesa amaanyi g'ebiyobufuzi yeeyongera amaanyi n'okuwagirwa amawanga yeesowolayo okusaanyaizaawo ddala omukkiriza aw'amazima. Wabula ng'enaatera okutuukiriza olukwe Iwayo olw'obutiitizi enngaano ennungi ekunngaanyizibwa mu tterekerero. Enngaano ennungi n'enngaano ey'omu nsiko tebikyaddayo kukulira wamu. Enngaano ey'omu nsiko tebikyaddayo kufuna mikisa gya Katonda olw'okubeerawo kw'enngaano ennungi, kubanga enngaano ennungi eriba tekyaliwo n'obusungu bwa Katonda buliba bufukibwa mu kabonero koomukaaga obulikomekkerezebwa mu kuzikiririza ddala aboonoonyi.

Kati nnagambye gye buvuddeko nti omuzabbibu ogw'obulimba gwakulira ddala ne

gubala mu mulembe guno. Ebibala byagwo bya kukula byengere. Ekyo bwe kiri Ekkanisa eno ey'omwoyo omubi, ejjudde obujeemu, egenda kubikkulwa ng'akasigo ka kalidaali akaakula ne kafuukamu omuti omwasulanga ennyonyi ez'omu bbanga. Waggulu waagwo wa kubeerayo omulabe wa Kristo, ekyama ky'obujeemu. Bino byonna bituufu. Era oba nga bino bituufu, era na kino kiteekwa okuba ekituufu nti Ekkanisa Omugole ajja kukula, n'obwengevu bwe bujja kabalirwa wamu ne Mukama we okuyita mu Kigambo, n'Omutwe gwe Oyo Alijja gy'ali mu Kyama ky'Okutya Katonda, nga ddala ye Kristo. Era ng'ekkanisa ey'obulimba mu bukujukujju n'amaanyi ga setaani erimu amaanyi g'ebyobufuzi, amaanyi ag'obuntu n'emizimu gy'ekizikiza erwanyisa omuzabbibu ogw'amazima nga gujjuppe Omwoyo Omutukuvu gujja kukola emirimu egy'amaanyi Yesu gye Yakola. Olwo ng'asemberera Okutikkirwa kwe, ng'afuuka nga Ye okuyita mu Kigambo, Yesu wa kujja omugole ne Bba balyoke beegatte babeere omu emirembe n'emirembe.

Okweyoleka okulabikira ddala okw'ebyo bye mbadde mbabuulirako kwatandika dda okutwetooloola. Enkola egatta amadiini ey'enngaano ey'omu nsiko ddala weeri. Naye era kituufu nti nnabbi eri omulembe ogusembayo ateeekwa okuleeta obubaka obuva eri Katonda obulikulembera okujja kwa Mukama waffe, kubanga okuyita mu bubaka bwe emitima gy'abaana girikyusibwa okuzzibwa eri bakitaabwe Abapentekoote, era okuyita mu kuzzibwawo kw'Ekgambo okuzzibwawo okw'amaanyi kulijja.

Bino nga biseera bya kazigizigi bye tulimu. Nga tuteekwa okuba abeegendereza okulaba nti tusigala nga tuli beesigwa eri Ekgambo kino tuleme okukigattako oba okukitoolako, kubanga oyo ayogera nga Katonda Tayogedde afuula Katonda omulimba. Ekintu kyennyini kye nnina mu mutima gwange kye kino: Awo nga ku nkomerero y'ekyasa enjala y'okuyaayaanira Katonda eyatandikira mu Mulembe gwa Firaderufiya yaleeta okuyaayaanira Omwoyo wa Katonda: Era okuyaayaana okwo Katonda bwe Yakwanukula ng'Aleeta okweyoleka mu nnimi, okuvvuunulwa n'obunnabbi, amangu ddala ekibiina, era mu ngeri esingayo okukontana n'Ekgambo baagunjaawo enjigiriza nti ennimi bwe bwali obukakafu obulaga nti omuntu abatiziddwa n'Omwoyo Omutukuvu. Ennimi zaali njawufu nnyo ku bukakafu. Ennimi kwali kweyleka so si bukakafu. Obukyamu bw'enjigiriza tebulabibwa mu butaba na Byawandiikibwa bugikakasa, naye abo abaagiwigira amangu ago beekolamu ebibiina ku musingi gw'enjigiriza eyo, ekyakakasa nti tebaali mu mazima nga bwe baayagala abantu bakikkirize. Oh, kyalabika bulungi. Kyafaanana ng'okudda kwa Pentekoote. Wabula kyeraga nti si bwe kyali. Kyali tekisoboka kuba, kubanga kyafuuka kibiina. Okwo kufa, si bulamu. Kyafaanana ddala ekyo ekya nnamaddala nnamungi w'abantu n'alimbibwa.

Kati oba tekyali kya nnamaddala kyali ki? Byali bikuta, bisusunku. Mu ngeri y'eminyololo egya kiragala egigonderera, kyalabika ng'ekintu kyennyini ekya nnamaddala. Naye ng'omuntu bw'ayinza okugenda mu nnimiro n'alaba ekifaananira ddala enngaano so nga kisusunku bususunku, (kubanga ensigo y'enngaano tennatonda) kale kino kyali kikuta bukuta ekigonda ekyafaanana ng'empeke eyali egenda okujja. Ensigo y'enngaano eyasooka eya Pentekoote yali ya kukomawo mu mulembe ogusembayo. Yali eziikiddwa e Nikyeya. Yaggyayo omutunsi e Saadi. Yakula n'reeeta ekituttwa mu Firaderufiya, era yali ya kukulira mu Lawodikiya. Naye yali tesobola kuddayo nga bwe yali okusooka okutuusa n'Ekgambo kizziddwawo. Nnabbi yali tannalabika. Naye kaakano okusinziira ku biseera bye tulimu mu Mulembe gwa Lawodikiya, "Nnabbi-Omubaka" ow'omu Okubikkulirwa 10:7 ateeekwa okuba nga yajja dda mu nsi. Omulundi omulala nate "Bw'Atyo bw'Ayogera Mukama" kiteekwa okuba wano, nga kitegekedwa okwolekebwa mu bukakafu obutawakanyizika. N'olwekyo ensigo ey'Amazima yatandika okukula, OLWO OKUKUNGULA KUDDEKO.

Kiseera ky'amakungula. Ddala, kiseera kya makungula. Emizabbibu ebiri egakulira awamu ne gigombaganya amatabi gaagyo kati gituuse okwawukanyizibwa. Ebibala by'emizabbibu eggo ebyali bitafaanana bya kukunngaanyizibwa mu materekero ag'enjawulo. Emyoyo ebiri gya kugenda mu bifo byagyo eby'enjawulo ebyagitegekerwa. Kaakano ky'ekiseera okuwuliriza okuyitibwa okusembayo okujja eri Omugole nga yekka y'Enngaano, "Mukifulumemu, abantu Bange, muleme okussa ekimu n'ebibi bye era muleme mmwe (enngaano ennungi) okuweebwa ku bibonyoobonyo bye (enngaano ey'omu nsiko) (ekibonyoobonyo eky'ekitalo eky'omu kabonero akoomukaaga ne Matayo 24).

Okubikkulirwa 3:22,

"Alina okutu awulire Omwoyo ky'Agamba ekkanisa."

Kuno okulabula kwe KUSEMBAYO. Tejja kubaayo kulala. EKISENGE kya nnamulondo kitegekeddwa. Emisingi ekkumi n'ebiri giwedde okuteekebwawo. Enguudo za zaabu ziwedde okukolebwa. Emiryango egya luulu ennene ennyo giyimusiddwa ne giwangibwa. Okufaanana nga Pyramid ayimiridde alabika bulungi nnyo era wa kitibwa. Ebitonde by'omu ggulu ebimutegese bimutunuulidde obutatemya, kubanga amasamasa era ayakaayakana n'ekitiibwa ekitali kya ku nsi. Buli katundu k'obulungi bwe koogera ku kisa ekyewuunyisa n'okwagala kwa Yesu. Ye kye kibuga ekitegeke olw'abantu abategekeddwa. Alinda bulinzi abantu ab'okumubeeramu, era mangu ddala bajja kweyiwa mu nguudo ze n'essanyu. Ddala, kwe kuyitibwa okusembayo. Omwoyo Tajja kwogera mu mulembe mulala. Emirembe giweddeyo.

Naye Katonda Yeebazibwe, mu kaseera kano, omulembe guno tegunnaggwaako. Akyayogerera waggulu. Era eddoboozi Lye erya waggulu okuyita mu Mwoyo Gwe teriwulirwa bantu ab'amatu ag'omwoyo bokka, naye omulundi omulala nnabbi ali mu nsi. Omulundi omulala Katonda Ajja kubikkula amazima nga bwe Yakola eri Pawulo. Mu nnaku ez'omubaka owoomusanvu ew'omulembe gwa Lawodikiya, omubaka waagwo wa kubikkula ebyama bya Katonda nga bwe byabikkulirwa eri Pawulo. Ajja kwasanguza, era abo abasembeza nnabbi oyo mu linnya lye balifuna ebirungi ebiva mu buweereza bwa nnabbi oyo. Era abo abamuwlira ba kuweebwa omukisa bafuuke ekitundu ku mugole oyo ow'omu nnaku ezsembayo aboogerwako mu Okubikkulirwa 22:17,

"Era Omwoyo n'omugole boogera nti Jjangu."

Empeke y'enngaano (Omugole ow'Enngaano) eyagwa mu ttaka e Nikyeya ekomyewo nate eri Empeke Ekigambo Ekyasooka. Katonda Agulumizibwe emirembe n'emirembe. Yee, wuliriza nnabbi wa Katonda eyakakasibwa alabikira mu mulembe guno ogusembayo. Ky'ayogera okuva eri Katonda, n'omugole ky'ajja okwogera. Omwoyo, ne nnabbi, n'omugole bajja kuba nga boogera ekintu kye kimu. Era kye bajja okwogera kijja kuba nga kyayogerwa dda mu Kigambo. Bakyogera kaakati, "Mukifulumemu kaakati era mweyawule." Eddoboozi ery'omwanguka livuze. Eddoboozi ery'omwanguka livuga. Eddoboozi linaavugira bbanga ki? Tetumanyi, naye ekintu kimu kye tumanyi terijja kulwawo, kubanga guno gwe mulembe ogusembayo.

Alina okutu, awulire Omwoyo ky'Agamba amakanisa. Omwoyo Ayogedde. Enjuba egolooba enaatera okuggweerera mu butakoma ku lw'emirembe gy'ekkanisa. Olwo byonna binaaba biwedde. Olwo onooba tokyasobola kujja. Naye oba waliwo awantu wonna mu bigambo bino Katonda w'Akukomyeko n'Omwoyo Gwe, ne mu kiseera kino kyennyini oyinza okukyukira gy'Ali mu kwenenya n'omuwa obulamu bwo kale ng'Akozesha Omwoyo We Akuwe obulamu obutaggwaawo.



www.messagehub.info

Sermons By
William Marrion Branham
"... in the days of the voice ..." Rev. 10:7